

傷寒瘟疫條辯

本草類辨目錄 卷六

補劑類 三十一種

人參蘆在末條熟地黃生乾甘草稍黃耆 白朮

茯苓皮神芍藥赤當歸 遠志小草山藥

杜仲 牛膝 何首烏 山茱萸 胡桃仁

女貞子 枸杞地骨皮菟絲子 覆盆子 五味子

五加皮 葫蘆巴 瑣陽 肉蓯蓉 骨碎補

阿膠 龜版膠版鹿角膠茸霜丹砂 磁石

玉竹

潤劑類

十二種

天門冬

麥門冬

款冬花

紫菀

酸棗仁

栢子仁

大麻仁

百合

枳椇子

牛乳

竹瀝

蜂蜜

蠟

寒劑類

三十五種

元參

沙參

苦參

黃連

胡黃連

黃芩

黃栢

知母

梔子

連翹

青黛

白頭翁

石蓮子

川楝子

根皮

牛蒡子

青蒿

茵陳蒿

山豆根

防己

石膏

香薷

栝蒌實

花

馬兜鈴

粉

枇杷葉

金銀花

蒲公英

龍胆草

夏枯草

益母草

子

牡丹皮

桑白皮

枝葉

代赭石

羚羊角

犀角

童便

熱劑類

七種

附子

烏頭側子

肉桂

桂枝

乾薑

益智子

破故紙

石硫黃

米酒

燥劑類

七種

白附子

蛇床子

吳茱萸

根枝

肉豆蔻

白豆蔻

草豆蔻

果

蒼木

牆劑類 十三種

蓮子

葉 鬚

芡實子

木瓜

秦皮

川續斷

訶黎勒

罌粟殼

椿樗

皮 白

五倍子

地榆

赤石脂

牡蠣

龍骨

齒

消劑類

三十九種

縮砂仁

沉香

木香

陳皮

青皮 核葉

枳實

殼

厚樸

藿香

桔梗

枳椇

皮 大腹

烏藥

南香附

消石

猪苓

澤瀉

木通

車前子

葉

燈草

山查

六神麴

使君子

萊菔子

萊菔

白芥子

旋覆花

前胡

半夏

川貝母

胆星

南星

鬱金

薑黃

丹參

五靈脂

延胡索

紅花

子

澤蘭葉

紫草茸

桃仁

花

杏仁

茜根

雄黃

散劑類

二十種

白礬

蟬蛻

淡豆豉

石菖蒲

甘菊花

葉根

威靈仙

釣藤釣

荆芥穗

蘇薄荷

軟柴胡

川芎

天麻

秦艽

升麻

葛根

白芷

羌活

獨活

細辛

防風

汗劑類 四種

麻黃根

紫蘚葉

子梗

蒼耳子

水萍

下劑類 八種

大黃

芒硝

巴豆

甘遂

柴太戟

澤漆

芫花

葶藶子

牽牛子

攻劑類 六種

穿山甲

鱉甲

乾漆

京三稜

蓬莪朮

青礞石

吐劑類 六種

瓜蒂

白礬

牙皂

刺

常山

藜蘆

人參蘆

蘆卽參苗一種也

補五種

淫羊藿

在故紙下

沙苑蒺藜

在續斷下

辛夷花

在薄荷下

蔓荊子

在細辛下

丁香

在藿藿下

夫藥之爲類多矣治病不要求奇神明存乎其人

右記一百八十八種一種連及者又四十四味分

爲十二劑人參之外非常不同平易之物用須辨

明俗云多不如少少不如好今人趨利若鶩以磨



不也

物欺人者皆是也當局者不可不慎再如苦菜用苗

五雨水十盞煎三盞分三次連服治產後腹痛如錐刺並腰脚刺痛者芋根蘆根芋

根艾葉柳葉蔭葉栢葉茶葉竹葉竹茹槐花榆皮

大青小蘗小鹽化水洗乳巖及瘰癧極驗地錦草紫地芋蓼實

旱蓮草蒺藜鷄內金高牛地龍搗爛入井水攪清飲之治溫病大熱

狂言大腹黃疸隨宜用並治胃風脚氣伏龍肝石灰百草霜黑墨蔥

韭薤蒜生薑大茴花椒紅麴米醋梗米糯米白菰

豆黑豆赤豆豕豆薏苡仁金匱方薏苡仁附子敗醬湯治腹瘡有膿薏苡

仁五錢附子一錢敗醬二錢五分水煎日三服脂麻單麻子浮麥麥芽穀

芽西瓜甘蔗荸薺荔枝元肉橄欖梓子

四物藥非北地土產

亦居家常有之物

白果棗梨桑甚烏梅柿乾柿霜柿蒂髮

灰尿鯀人中黃五穀蟲官粉鐵繡銅綠驢屎馬刺

敗鼓之皮附記七十四味隨地皆有取之甚便察

之甚明用如其證效如響應世多舍近而圖遠舍

易而求難豈非貴耳賤目乎

陳茶芽煎

治多年偏正頭風疼

茶芽

五錢

黑豆

五十粒

燈心

五十寸

金銀花

三錢

元參

蔓

荆子

防風

天麻

各一錢

川芎

辛夷花

各五分

外用土茯苓

四兩

煎湯取三盅煎服滓再取二盅煎

服重者不過二劑

通淋膏

治五淋瀝疼並小便不通

地龍

一條一箇

擣敷臍上卽愈

來復丹

早蓮草

二斤

地錦草

二斤

煮膿汁去滓入黑豆

四斤青鹽

四兩

汁沒豆一二指細火攪煮以汁盡爲度

晒乾長服滋腎益肝烏髮明目却病延年 以上

數方至平至易之藥屢試屢驗可見治病全不在

貴且異者

本草類劑

夏邑後學栗山楊璿玉衡訂正 子鼎編次

古宋畏齋先生郭善鄰春山泰較

補劑類

人參

反藜蘆

味甘微苦陽中微陰入手太陰肺升也陽

氣虛竭者回之於暫敗之初陰血崩潰者障之於決

裂之後

獨參湯主之

惟其氣輕而不辛所以能固氣惟其

味甘而純正所以能補血故凡虛而發熱虛而自汗

虛而眩暈虛而困倦虛而短氣虛而驚懼虛而遺泄

虛而瀉痢、虛而頭疼、虛而腹痛、虛而飲食不運、虛而  
痰涎壅滯、虛而吐血、血虛而淋瀝、便閉、虛而嘔逆、  
煩燥、虛而下血、失氣等證，是皆不可不用者。第以氣  
血相較，則人參氣味頗輕，而屬陽者多，所以得氣分  
者十之八，得血分者十之二。總之爲氣分之物，而血  
分亦必不可少。未有氣不生而血能自生者也。散人  
參五分、麥冬一錢、五味子十粒，治夏月火旺燥金暑  
淫少氣、汗多口渴、病危脈絕、養心、生脈、肺朝百脈、補  
肺清心，則氣充脈復，轉危爲安矣。故扁鵲曰：損其肺者，益其氣，須用  
人參以益之。肺氣既旺，他藏之氣皆旺矣。凡藏府之

有氣者皆能補之然其性溫積溫亦能成熱雖東垣  
云參耆爲退火之聖藥丹溪云虛火可補參朮之類  
是也此皆言虛火也而虛火二字最有關係最有分  
解若內真寒而外現假熱之象是爲真正虛火非放  
胆用之不可也參附湯主之附減半於參是也然有一等元陰虧乏  
而邪火燔燥於表裏神魂燥動內外乾枯真正陰虛  
一證誰謂其非虛火如遇用人參實能助熱若節菴  
云陽旺則陰愈消節要云陰虛火動者不用又云肺  
熱遺傷肺等說固有此理不可謂其盡非而李月池

東坡仙 卷一  
十  
輩皆極不然之。恐亦未必然也。夫虛火二字當分實中有虛。虛中有實。陽中有陰。陰中有陽。就證論證。勿以成心而執偏見。斯可矣。若龍雷之火原屬虛火。如巴蜀有火井。投以水則燔。投以火則滅。是卽假熱之火。故補陽卽消矣。至於亢旱塵飛。赤地千里。得非陽旺陰虛。而可以補陽生陰乎。或曰。此正實火也。得寒則已。余曰。不然。夫炎暑酷烈。熱令大行。此爲實火。非寒莫解。而乾枯燥。旱泉源斷流。是爲陰虛。非水莫濟。此實火與陰虛亦自判然可別。是以陰虛而火不盛。

者自可用參爲君。若陰虛而火稍盛者，但可用參爲佐。若陰虛而火太盛者，則誠有暫避人參而惟甘寒壯水之劑，庶可收功。六味地黃湯、大劑濃煎，或人參麥冬、青蒿、枸杞各一兩，固本丸、熟地、乾地各二兩，天冬、人參五錢爲末，煉蜜丸。蓋天下之理，原有至是謂之曰陰虛，必當忌參，固不可謂之曰陰虛，必當用參，亦不可要在斟酌病原，適其可求其當而已。言問曰：人參垣理脾胃，瀉陰火，人參皂角同用，是惡而不惡也。人參畏五靈脂，古方療月閉，四物湯加入人參五靈，是畏而不畏也。又吐痰在胸膈，人參藜蘆同用，而取其湧越，是急其怒性也。此非洞達經權者，不能知。熟地黃北方純陰上配，力大懷慶者佳。味甘微溫，陰中微陽，氣薄味



厚降也。本草言手足少陰厥陰經藥大補心血滋培

腎水兼益藏血之經。此論蓋得其大畧而未盡其奧

妙。夫地黃產於中州沃土之鄉得土氣之最厚者其

色黃土之色也。其味甘土之味也得土之氣味與色

而曰非太陰陽明之藥吾不信也。惟是生用性寒脾

胃喜溫固所宜慎。至於熟則性平稟至陰之德氣味

純靜故能補五藏之真陰而於統血多血之藏爲至

要。豈非脾胃經藥耶。仲景八味丸以熟地黃爲君脾

腎兼補也。經云飲食生化而輸於夫人之所以有生者氣與血耳。氣主陽而動血主

陰而靜。補氣以人參爲君。而耆朮爲之佐。補血以熟地爲君。而芎歸爲之佐。然在耆朮芎歸則又有所當避。而人參熟地無有出其右者。故諸經之陽氣大虛。非人參不可。諸經之陰血大虛。非熟地不可。凡陰血虧損。有爲發熱。爲頭痛。爲焦思。爲喉痺。爲嗽痰。爲喘氣。或腎寒上衝爲嘔吐。或虛火載血於口鼻。或水濕之溢於皮膚。或腎枯而泄利。或陰脫而跌仆。或陰虛而狂亂。或陰虛而神散。或陰虛而火升。或陰虛而燥動。或陰虛而剛急。或陰虛而水泛爲痰。或陰虛而真

氣散失等證。舍熟地。何以填精補髓。滴滴歸源。使先天後天之陰血大旺。而陽有以化乎。然而陽性速。故。人參少用。暫用可以成功。陰性緩。故熟地非多用。常用。難以奏效。而今人有畏其滯膩者。則崔氏何以用。腎氣丸。而治痰浮。有畏其滑濕者。則仲景何以用。八。味丸。而治腎泄。有自蒸而用者。則帶鮮而蒸者。熟。既。乾而蒸者。生。地。頭之。既。大。氣足而火候到。家常之。既。小。氣薄而火候微。此生熟之有殊。而功力之有間也。有謂陽能生陰。陰不能生陽者。蓋亦偏說。夫陰陽之。

理原自互根。無陽則陰無以生。無陰則陽無以化。內經曰。精化為氣。得非陰亦能生陽乎。又若製用之法。有用薑汁炒者。則必中寒兼嘔而後可。有用砂仁製者。則必脹滿不行而後可。有用酒拌蒸者。則必經絡滯塞而後可。使無此三證而妄用此製法。是不知用熟地者。正欲其靜重而反為動散。以逆其性。是蛇足也。余意總不如用黑豆煮湯。肉黃皮黑補脾補腎鮮者洗淨乾著。泡透循環津潤。九蒸九晒。九露以熟為度耳。今人卽欲用之補陰。而必兼以滲利。則焉知補陰不利水。

利水不補陰而補陰之法不宜滲。卽欲用之補血而復疑其滯膩則焉知血虛非燥土旱極望雲霓而枯竭之腸極喜滋潤設不明此乃少用之尙欲兼之以利又孰敢單用之而任之以多單用而多且不敢又孰敢再助以甘而盡其所長是又何異噎而廢食也悲夫。○生地黄甘苦大寒氣薄味厚沉也陰也入心包肝腎瀉丙丁導赤散清燥金消瘀通經平諸血逆治吐衄崩中淋痢尿血骨蒸煩燥及傷寒溫病陽強痘疹大。○乾地黄性味功川與生地畧同而稍緩滋

此加味犀角地黃湯血熱嘔吐  
男女待宜厚服  
另入荊芥  
和炒應用

陰退陽涼血和血而生血潤燥除煩而止渴治一切

陰虛發熱之證

烏龍丸治兩目昏而復明則他證可知乾地熟地川椒等分爲末煉蜜丸

溫酒送下

生地熟地歸身白芍丹皮四錢元參沙參雲苓牛膝荊芥二錢紫苓犀一錢熱逆嘔血驗

甘草

反甘遂大戟芫花海藻大忌無鱗魚

味甘氣平性緩生用補脾胃

不足而瀉心火。蜜炙補三焦元氣而散表寒可升可

降無毒而善於解毒得中和之性有調補之功

仲景有炙

甘草

故毒藥得之解其毒剛藥得之和其性表藥得

之助其升下藥得之緩其行助參耆成陽虛之功人

所知也助地黃療陰虛之危誰其曉之健脾胃堅筋

骨長肌肉祛邪熱隨氣藥入氣隨血藥入血無往不  
可故稱國老余每用人參熟地甘草大劑濃煎治氣  
血兩虛陰陽將脫證屢收奇功惟中滿勿加恐其作  
脹欲速下勿入恐其緩功惡心惡甘嘔吐亦忌純寒  
純熱之藥必用之以緩其力金匱方飲饌中毒未審  
何物煎甘草薤白湯入  
口便活。千金方陰頭生○稍達腎莖止疼小蘗飲  
瘡蜜煎甘草末頻頻敷之○  
小蘗藕節當歸黑蒲黃黑梔子生地木通滑  
石甘草積竹葉等分水煎服治尿血血淋效  
黃耆生涼味甘氣平氣味俱輕升也陽也專於氣分  
而達表故能補元陽壯脾胃充腠理長肌肉治虛勞

除虛熱氣虛難汗可發表虛多汗可止其所以止血

崩血淋者以氣固而血自止也故經曰血脫補氣其

所以除帶濁泄痢者以氣升而陷自起也故經曰陷

者舉之然而氣味俱浮專於氣分性不純良表實者

不宜用裏虛者宜少用恐升氣於表而裏愈虛也氣

實誤用則致喘急脹滿關格血虛過用則致吐衄痰

壅咳嗽仲景有黃升陽益胃湯黃耆二錢人參甘

耆建中湯○草半夏一錢陳皮白朮白芍白

茯苓澤瀉羌活獨活柴胡防風五分黃連三分生薑

七分大棗二枚水煎調養曰東垣首重脾胃而益胃



白朮 味甘溫氣溫氣味俱厚可升可降陽中微陰  
乳製潤其燥土炒揚其氣氣溫燥故實脾胃鼓咽逆  
止瀉泄祛勞倦進飲食除濕運痰津液自生味清滯  
故止汗實表龜疽得之反多膿奔豚遇之反增氣上  
焦燥熱氣多壅塞者不可用佐黃芩以安胎君枳實  
以消痞白朮三兩枳實三兩水煎分三服治心下水積聚大如蠶在氣主氣在血  
主血四肢困倦月不欲開怠惰嗜卧不思飲食當加  
用之無汗則能發有汗則能止

茯苓

雲南者佳

味甘淡氣平性降而滲陽中陰也上達肺

氣而下通膀胱本草言白行壬癸赤瀉丙丁故能利

竅滲濕

仲景有茯苓甘草湯

利竅則開心益志導濁生津滲濕

則逐水燥脾補中健胃祛驚癇厚腸藏治痰之本助

藥之降以其味甘故曰補陽但補少利多耳○皮專

行水蓋以皮行皮之義治水腫膚脹

脾不能為胃行其津液故腫脹

澹紫五皮飲茯苓皮五加皮桑白皮大腹皮陳皮

等分加生薑皮煎此於消腫之中仍寓補脾之意○

茯苓附根而生專理心經補心氣健忘止恍惚驚悸

然總不外滲利與茯苓不相遠也

茯苓皮非補劑類也一種而性味不

同者甚多觀者勿以連及而誤之餘微此

芍藥

反藜蘆

味微苦、微甘、微酸、氣微寒、氣薄於味、欝降

多而升散少、陰中陽也。白補赤瀉、生用氣微涼、酒炒氣極平、其性降、故入血補肝虛、瀉肝實、固腠理、消瘰腫、止瀉泄、利小便、除眼疼、緩三消、歛血虛之發熱、敗血虛之腹痛、白者安胎熱不寧、赤者能通經破瘀、按芍藥特補藥中之微寒者、非若極苦大寒之比、乃產後補血和氣之要藥也。若謂其色白屬金、寒伐生發、產後當忌、則凡白過芍藥、寒過芍藥者、又將何如。丹溪之言不可泥也。

仲景芍藥甘草湯治榮氣不足、腹疼甚驗、

當歸 味甘辛、氣溫、味重、氣輕、可升可降、其味甘而重、故補血、其氣輕而辛、故行血、補中有動、陰中有陽、血中氣藥也、頭止血上行、身養血中守、尾破血下流、全和血不走、佐以補藥則潤、故能養榮、佐以攻藥則通、故能止疼、榮虛而表不解、佐以葛根等劑、亦能散表、衛熱而表不斂、佐以六黃之類、亦能固表、惟其氣辛而動、欲其靜者、當避之、惟其性滑而行、大便秘澀者、當避之、若血滯爲病者、正所當用也、當歸導滯湯治痢神效、其要在動滑二字。入心生血、入脾統血、入肝藏血、凡

血分受病必用之。血壅而不流則疼。須當歸辛溫以

散之。使血氣各有所歸。諸頭疼與心腹兩脇疼俱屬

肝木。故以血藥主之耳。當歸養血湯黃耆一兩當歸四錢陽生陰長之義也

遠志。甘草湯浸去心炒味辛苦氣溫升也陽也功專心腎故

可鎮心定神祛邪安夢壯陽益精強志助力增益智

慧不忘和悅顏色耐老治小兒驚癇客忤療婦人口

噤失音因其氣升同參草棗仁能舉陷攝精交接水

火但可佐不可多。○小草其苗葉也除胸痺心疼氣

逆禁虛損憂遺精滑。古方定志丸遠志茯苓石菖蒲人參爲末蜜丸

山藥 味甘淡性滑、健脾補肺、堅骨益心、治諸虛百損、療五勞七傷、健忘滑精、瀉痢瘰腫、但其氣味輕緩難勝專任、故補心肺必主參朮、滋腎水必主地黃、滑濁須故紙同煎、固精滑仗茯苓相濟、止瀉痢必借菹豆蓮子與芡實、生梲敷毒能消腫硬耳、諸凡固本丸藥並可煮搗爲糊、安道曰仲景入味丸用之以強陰、

杜仲 鹽水拌炒斷絲 味甘氣溫色紫入肝、潤燥補虛、子能令

母實、故又滋腎、肝充則筋健、腎足則骨強、益精秘氣、除陰囊濕痒、止小水夢遺、煖子宮、固胎氣、堅筋骨、壯

腰膝及足弱難行、孫思邈曰、一少年新娶得脚軟病、且

也用牝牛一兩、水酒各半煎服、六日全愈

牛膝川出者佳、懷次之味甘苦、氣微涼、性降而滑、陰也、酒蒸

補髓填精、益陰和血、療腰膝痠疼、滋鬚髮枯白、酒漬

走十二經絡、助一身元氣、主手足痠痺、血燥拘攣、通

膀胱秘瀉、大腸乾結、生用、其性下走如奔、破血癥、通

血閉、引諸藥下行、治心腹諸疼、淋瀝尿血、墮胎極速、

滑洩勿設、古方地髓湯治尿血、血淋、牛膝一兩、水煎

成、謂菴曰、熱畜膀胱、尿瀉而疼、曰淋、氣淋、便瀉、餘淋、勞淋、房勞、即發、冷淋、寒戰、後溲、膏淋、便出、如膏、石淋、肝經移熱於胞中、日久熬煎、精結成石、非

腎與小腸病也。色鮮心與小腸實熱。色赤。瘧腎與膀胱濕熱。宜通氣。清心平火。利濕。不宜用補。恐濕熱得補增劇也。牛膝。請淋要藥。血淋尤宜。又有中氣不足。致小便淋瀝者。宜補中益氣。經云。氣化則能出是也。忌用淋藥。李時珍曰。虎杖根尤通五淋。破宿血。木事方。虎杖根二兩。水煎去渣。入乳香。麝香少許。服一婦人沙石淋。已十三年。每渡痛楚不可忍。偶得此方。服之一夕而愈。此子眼見者。又聖惠方。治月經不調。瘕瘕腹大如甕。虛脹雷鳴。四肢沉重。氣短欲死。虎杖根一斤。剉碎。水十碗。浸一宿。煎取二碗。再入茜根汁二碗。牛膝汁二碗。同煎如湯。每用三錢酒化冲服。日二夜一。宿血當下。男積亦治。

何首烏

味苦甘。瀉氣溫。夜則交。藤有陰陽交合之

象。堅腎補肝。養血祛風。消癰瘰。散癰腫。療五痔。止腸風。敗惡瘡。烏鬚髮。明耳目。添精神。長肌肉。補虛勞。強



筋骨益精髓壯腰膝治婦人經胎產崩漏等證老弱尤爲要藥久服生子延年應節處方嘉靖驗之此七

寶美髯丹之所以傳也赤白合用氣血兼補黑豆拌

蒸勿化鐵器七寶美髯丹赤白何首烏二斤黑豆湯

萃乳蒸歸身枸杞子菟絲子酒蒸八兩故紙

四兩黑脂麻拌炒爲末煉蜜丸鹽水送下

山茱萸酒蒸去核味辛酸瀉收斂氣平微溫陰中陽也入

肝腎益精秘氣助水藏以煖腰膝充精氣以利九竅

壯陽道節小便瀉帶濁斂汗止渴調經收血主心下

邪氣除一切風逐一切冷所云滑則氣脫瀉劑所以

收之也

仲景八味丸用之其性味可知

或云畏酸者暫已之

古方草還丹益

元陽補元氣固元精滋元血續嗣延年之要藥也山茱萸酒蒸去核一斤破故紙酒炒八兩當歸酒蒸四兩麋一錢爲末煉蜜丸如桐子大每服八十一丸酒下

胡桃仁

味甘氣平肉潤皮濇其汁青黑入肺肝腎

命門三焦溫肺潤腸固精秘氣養血滋陰佐故紙減半治腎虛腰疼有木火相生之妙上而虛勞喘嗽中

而遺精滑泄下而腰脚痿躄內而心腹之痛外而瘡

瘍之毒皆可除也

加味青娥丸治腎虛腰疼並外邪所侵腰腿筋骨疼胡桃仁八兩破

故紙鹽水炒杜仲姜汁炒牛膝酒炒黃柏鹽水炒四兩知母鹽水炒三兩葶藶四兩分四分鹽酒童便米

泔各浸炒一分晒乾爲末春夏  
米粥爲丸秋冬煉蜜爲丸任下

女貞子 味甘微苦氣平其樹似桂少陰之精益肝

腎安五藏養精神強腰膝補風虛烏髮鬚療百病聰

耳明目久服延年古方罕用何哉女貞子酒蒸二十

草十兩煉蜜丸補腎益肝強陰壯陽治虛損百病如

四月搗桑椹汁七月搗早蓮汁不必用蜜因其樹隆

冬不凋故又謂之冬青子亦女貞之義也非兩種也

枸杞子 味甘微辛氣平可升可降潤肺滋腎養肝

以其味重而純故能補陰以其陰中有陽故能補氣

陰滋則血盛氣足則陽旺諺云去家千里勿食枸杞

謂其能壯陽也。實則壯陽而無動性。故用以佐熟地。

最妙其功聰耳明目。

杞菊丸等分煉蜜丸

益神魂添精髓強筋

骨補虛勞止消渴真陰虛而臍腹疼不止者多用神

效。○地骨皮卽枸杞根皮也。味甘辛微苦性寒走血

分入肝腎三焦胆經退陰虛血熱療有汗骨蒸凡不

因風寒而熱在陰分骨髓者最宜此物涼而不峻可

理虛勞氣輕而平故亦清肺時珍曰枸杞骨皮佐以

青蒿甘寒退大熱不比芩連苦寒之傷胃也。

苧絲子

先以甜水洗淨浸脹次酒浸蒸熟拌糯捏餅曬乾炒

味甘辛氣溫性固

入肝脾腎補髓添精助陽起痿千金方菟絲餅五兩雄雞肝三具雀卵和

丸如小豆大溫酒每下六十丸日二次服煖腰膝冷疼壯氣力筋骨開胃

進食肥肌尤安寢寐局方菟絲丸治精滑淋濁及強中消渴菟絲餅十兩五味子八

兩白茯苓石蓮肉三兩山藥六兩酒煮山藥糊為丸精滑淡鹽水下赤濁燈心湯下白濁白茯苓湯下強

中元參湯下消渴米飲下此方於補正氣中瀉腎邪也

覆盆子淘淨酒蒸味甘氣溫入肝腎主腎傷精滑陽痿不

起小便頻數補虛續絕調氣溫中安和五藏益腎強

陰補肝明目澤肌膚烏鬚髮亦療中風成驚古方五子衍宗

丸覆盆子菟絲子枸杞子五味子沙苑蒺藜子等分為末煉蜜丸余意加車前子減半強陰益精利水不

走氣亦猶仲景八  
味丸用澤瀉之義

五味子 皮甘肉酸性平而欬核味辛苦性溫而緩

兼有鹹味故名五味入肺腎南治風寒咳嗽北主虛

損勞傷整者用其甘酸生津解渴止瀉除煩收耗散

之金滋不足之水欬虛汗解酒毒酸醉用其辛溫欬

氣強陰補虛明目固元陽千金方治陽痿不起為末

見壯筋骨除喘滿五味子湯治喘而脈伏及肝旺不

酸助木克土衛生方治久嗽肺脹五味子二兩為末

一丸服又升溪方治久嗽為末錫丸彈子大每水煎

梧子風化硝四錢甘草三錢為末塞丸嚙化

五加皮 味辛苦氣溫順氣化痰勝濕祛風堅筋健

步強志益精去婦女陰寒難當扶男子陽痿不舉小

便遺淋可止腰膝足痺能除五加皮二兩牛膝一兩酒浸木瓜一兩爲末米

飲入酒一茶匙調服二錢尤逐四肢因氣不遂祛肌

治小兒三四歲不能行者膚瘀血多年芬香五葉者佳按五加皮乃五車星之

精也才應五湖人應五德位應五方物應五車故青

精入莖有東方之液白氣入節有西方之津赤氣入

花有南方之光元精入根有北方之精黃烟入皮有

戊己之靈五神鎮生相轉育成餌之延年服者反嬰

千金方五月五採莖七月七採葉九月九採根合為末治五緩虛羸

葫蘆巴 味苦氣溫純陽本草云番國蘿蔔子也入

右腎煖丹田壯元陽敗脹滿腹脇中退青黃面頰上

同硫黃黑附子療腎藏虛冷佳三味等分為末合桃煉蜜丸溫酒下

仁大茴香治膀胱疝氣效三味等分麩炒為末半以酒糊丸鹽湯下半以散米

飲調下丸散長服補火滋水健脾和胃延年桃仁胡相間早晚服

鎖陽酥炙味甘鹹性溫入腎補精壯陽滋燥養筋療痿

弱潤大便因其固精故有鎖陽之名老人枯秘煮粥

最為要藥鎖陽三錢肉蓯蓉三錢蘇子一錢升麻五分水煎入蜜服



肉苁蓉 味甘鹹辛酸氣溫味重沉也陰也以其味

重甘溫故壯元陽補精髓並絕陰不生煖腰膝堅筋  
骨除下焦冷疼以其補陰助陽故禁虛寒遺漏泄精  
止淋瀝帶濁崩中以其味酸性滑故驟服立通大便  
必需酒蒸五錢性與鎖陽相近便滑溏瀉勿攪

骨碎補

去毛  
蜜炙

味苦氣溫入腎破血有功止血甚驗主

折傷補精髓療耳鳴治周痺固牙齒去濕熱疼痛及

腎虛久瀉

研末入猪腎  
中煨熟食之

益腎主二便久利多屬腎虛

不專責脾胃也

六味丸料加骨碎  
補治腎虛牙疼效

阿膠 味甘辛、氣平而厚、能升能降、陽中陰也、入肺

肝、腎、其性溫、和、故潤肺、療癰瘰、益氣定喘、嗽、其味甘

辛、故除吐衄、淋痢、扶勞傷、羸瘦、其味甘、緩、故安胎、固

漏、下血酒煎服理帶止崩、補肝血、滋腎水、利大小腸、並治

痰濁及逆上之痰也、楊士瀛曰、小兒驚風後、瞳人不

有神、人參益氣也。仲景膠艾湯、治胎動血漏、腹痛、

並月水不調、淋瀝不斷、阿膠、艾葉、川芎二錢、當歸生

地黃三錢、白芍四錢、水酒煎服、熱加黃芩、

龜版膠、河水洗淨、搥碎入水、桑柴火熬成膏、味甘、氣平、屬金、與水、純陰

無陽、補心益腎、養陰資智、主骨蒸勞熱、腰脚痠軟、一

切陰虛血弱之證。

○版

酥炙或猪油炙

與膠功同而力微。

鹿角膠

寸斷河水浸刮桑柴火熬人醋少許再熬成膏取角搜霜

味甘鹹氣平純

陽無陰填精益氣大補陰中之陽手足腰腿肩臂骨

節疼痛酒化服立效頭旋眼黑遺濁崩帶大有殊功

敲碎炒珠安胎亦神入丸亦同此製。○霜與膠功同

而力微。○鹿茸甘溫純陽補命火壯元陽養血生精

壯骨強筋其力更峻於膠主一切虛勞危急之證相

火旺者並忌。

醫餘曰一人有膝瘡赤腫而疼用黃柏久不愈加霜灰髮灰乳香之類則愈此

陰陽寒暑往來之理也。

備要曰龜鹿皆靈而有壽龜首長藏向

腹能通任脉。故取以補心補腎補血以養陰也。鹿鼻  
長反向尾能通衝脉。故取以補命門補精補氣以養  
陽也。此物理之元微。神功之能事。觀其一主陰虛血  
弱。一主陽虛氣弱之病。可悟矣。○龜版鹿角合熬去  
粗。入人參熬成名龜鹿二仙膏。大益氣血兼理陰陽。

丹砂 味甘微寒。色赤屬火。體陽性陰。離中虛有陰也。鎮心

安神益氣明目。發汗定驚。祛風解毒。通血脈。除煩熱。

止消渴。療百病。多服久服。令人痴呆。煉熟大熱有毒。

丹砂安神丸。黃連二錢。參雲苓一兩。歸身生地七錢。五  
分。遠志黑龍仁五錢。琥珀犀角甘草三錢。五分。丹砂

三錢為衣為末竹葉燈心湯洗淨水送下治一切神短短燥不安夜臥不寧驚悸怔忡恍惚健忘甚驗

磁石色黑吸鐵者真大則醋淬諸石皆毒獨磁石冲和無毒氣味辛鹹沉也色黑

屬水引肺入腎補精益氣通耳明目除煩祛熱療虛

羸周痺骨節痛治驚癇腫核吞針鐵時珍曰千金磁辰丸仁云明目

而未發出微義磁石二兩鎮養腎陰使神水不外溢辰砂二兩鎮養心血使邪火不上浸佐以炒熟神麴

一兩以飲其暴氣生神麴三兩以生發脾胃之氣為末煉蜜丸熟水送下乃黃婆媒合嬰姪之理也

玉竹一名萎蕤味甘氣平性溫陽中之陰潤肺補中主心

腹結氣腰脚冷疼止背爛雙眸逐風淫四末澤容顏

調氣血全體康健但性緩力微本草言用代人參若

遇虛危證、縱加斤許、曾何益於毫末哉、惟多用常用、所主風濕虛勞之緩證耳、

潤劑類

天門冬去心酒蒸味甘苦、氣寒、沉也、陰也、上達肺氣、清金

降火、益水之上源、下通少陰、滋腎潤燥、治肺痿肺癰

吐血痰爲正虛素感風寒咳嗽短氣鼻塞胸脹久而成癆癰爲邪實熱毒蘊結咳嗽膿血胸中隱疼

治痿宜養血補氣保肺清火治癰宜瀉熱清痰開提升散痿重而難輕也療虛勞內熱定

喘除骨蒸解煩渴清痰嗽並足下熱疼及骨痿難行

三才鳳髓丹降心火益腎水潤而不燥滋陰養血治心火旺盛腎精易於施泄夫冬二兩熟地二兩人參

一兩黃柏三兩砂仁一兩五錢炙甘草七錢五分爲末煉蜜丸肉苁蓉五錢酒浸煎湯送下

麥門冬

酒浸去心

味甘苦氣寒降也陽中陰也以其甘多

苦少故能清心潤肺肺中伏火非此不除補上焦津

液解胸膈煩渴止胃炎嘔吐

胃火上升則嘔吐宜麥冬又有因虛因寒因痰

因食之不同隨證治之不可執一也

療手足痿躄

手足痿躄明濕熱上蒸於肺肺

熱葉焦發爲此證經云治痿獨取陽明

益精強陰澤

經疏曰麥冬實足陽明胃經之正藥

肌潤結肺痿肺癰咳唾衄血經枯乳汁不行肺燥痰

嗽不絕

午前嗽多屬胃火宜荅連梔柏知母石膏午後嗽及日輕夜重多屬陰虛宜麥冬五味子

元參知母六味

降火清心消痰補怯金受火囚生脉須加人

參便滑瀉利胃寒二冬勿設

古方麥冬飲子治勞嗽虛熱咳喘痰血麥冬三

錢五味子人參七分黃耆二錢  
歸身白芍炙甘草一錢水煎服

款冬花甘草湯浸味甘辛性溫陽也入心肺主中風喉痺

治肺癰膿血腥臭療肺咳痰壅稠粘潤肺瀉火邪下

氣定喘促久嗽凡陰虛勞嗽用款冬花紫菀百合沙參生地麥冬五味知母杏仁如

內熱骨蒸加丹皮地骨皮青蒿皆宜如嗽而復瀉為藏府俱病嗽而發熱不止為陰虛火炎皆難治

紫菀蜜炙味苦辛性溫入心肺主咳逆上氣喘嗽膿血

補虛調中消痰瀉熱開喉痺之惡涎療小兒之驚癇

散結下氣善利小便專治血痰為血勞聖藥海藏紫菀湯治



肺傷氣極勞熱久嗽吐痰吐血肺癰肺痿紫菀二錢  
阿膠知母貝母一錢人參雲苓甘草桔梗五分五味  
子十二粒便漿加蓮  
子一錢一方有款冬

酸棗仁

味甘氣平性潤其肉味酸故名酸棗而入

肝其仁居中故主收斂而入心不眠炒用多眠生用  
寧心志止虛汗解煩渴養血安神益肝補中收斂魂  
魄祛心腹寒熱能安和五藏潤劑上品也按棗仁味  
酸本入肝經而心則其所生者也脾則其所制者也  
胆又其所依之府也並宜入之聖惠方云胆虛不眠  
寒也炒熟爲末竹葉湯下蓋以肝胆相爲表裏血虛

則肝虛。肝虛則胆亦虛。得熟棗仁之酸溫以助肝氣。則木乘土位。又主困倦。所以令人多睡。又濟眾方云。胆實多眠熱也。生研爲末。薑湯調下。蓋以棗仁秋成者也。生則得兌金之全氣。而能制木。肝木有制。則脾不受侮。而運行不睡矣。此皆自然之理也。歸脾湯用之

栢子仁

鮮者

味辛甘。性潤。氣香。透心腎而悅脾。養心氣。

潤腎燥。助脾滋肝。資智寧神。聰耳明目。益血止汗。除風濕。愈癰驚。通關竅。澤皮膚。潤劑上品也。訥菴曰。補脾藥多燥。此潤而香。能舒脾燥。脾藥中兼用最良。栢子

仁九、栝子仁二兩、人參、白朮、半夏、五味子、牡蠣粉、麻黃根一兩、麥蘖五錢為末，煮棗肉丸，米飲下，此養心寧神補陽飲汗之要藥也。

陰虛多汗，加熟地黃、杜仲。

大麻仁

即作布之麻，去皮用。

味甘，氣平，性潤，入脾胃、大腸，緩脾

潤燥，療胃熱汗多而便難。

三者皆燥也，汗多則津枯而便燥，仲景有麻仁丸。

仁、薏子、粥，酌量與服。

破積血，通乳而利水，又木穀也，亦能治風。

百合

白花入藥，紅花者不可用。

味甘淡，氣平，故益氣補血，安心定

魄，調中潤肺，逐驚悸，止涕淚，緩風濕咳嗽，散乳癰喉

痺，解蠱毒，潤大小便秘，仲景用治百合病。

有百合、地黃湯，蓋

借其平緩不峻，收失散之緩功耳。並治肺傷勞嗽喘。

咳痰血

蘇巷百合固金湯百合生地二錢熟地三錢  
麥冬錢半元參當歸白芍貝母桔梗甘草一

錢此以甘寒培本不以  
苦寒傷生發之氣也

枳椇子

味甘氣平潤五藏解酒毒除煩渴趙以德

治酒毒房勞而病熱者於補氣血藥中加葛根反汗

出懈怠不禁葛根之散也得枳椇子加入即愈

牛乳

味甘微寒潤腸胃解熱毒主噎膈反胃按東

垣云上膈由氣治在和中降氣中膈由積治在行氣

消積下膈由寒治在溫中散寒氣血不足其本也痰

涎停滯其標也非胃枯則胃寒服香燥藥取快一時

破血散氣是速其死也。韭汁牛乳飲主之。張氏隨宜加薑汁、藕汁、梨汁、各五汁安中飲。或酌加竹瀝、萊菔汁、蘆根汁、陳米酒佐以理中湯八味丸加減用之。無不愈者。此其大畧也。潤澤在乎一心。鄭真一治噤口痢服牛乳卽瘥。可想其性味功用耳。凡用牛乳十分諸汁只二分竹瀝味甘氣平。療陰虛發熱。理中風熱牙小兒天吊驚搐。入口便定。婦人胎產悶暈下嚔卽甦。行義云胎前不損子。產後不碍虛。却老痰除誕飲止驚悸祛煩疔。痰在乎足四末。非此不達。痰在皮裏膜外有此

可毆

竹瀝連痰丸。用六君子湯合。痰癢丸為末。以竹瀝三錢。三頭。竹瀝打麵糊為丸。每服二錢。竹

瀝入薑汁送下。前證皆驗。

世人反以為寒。疑置不用。殊不知竹之

有瀝。猶人之有血也。氣味甘平。經火煨出。何寒之有。

蜂蜜

七月勿食。生蜜。令人霍亂暴下。

味甘。性平。入脾肺經。益氣補中。

潤燥解毒。除心煩。通便閉。止瀉痢。悅顏色。潤藏府。和

百藥。却眾病。

蜜酥等分。熔化一處。或湯或酒。日數調服。不拘時。治久病血枯。並潤燥止渴。

○蠟味淡滲。去陳積。主下痢。

古方蠟置巴豆丸。治一切寒滯宿食積滯癰痢。

巴豆去心膜。油杏仁炒。各四十九粒。為末。熔蠟和丸。葉豆大。木下三五丸。

灸瘡。固膜。蠟藥丸。護

腹托裏解毒成

膽心一加雄黃

寒劑類

元參

反藜蘆

味甘苦鹹甘能滋陰苦能清火因其味甘

故降性亦緩本草言性鹹入腎經不知其尤走肺藏  
故退無根浮遊虛火散周身經絡熱壅逐頸項喉咽  
痺毒毆男子傳尸骨蒸解溫病潮熱晚來及煩燥懊  
懷發斑療婦人產乳餘疾並腸中血瘕蒸堅補腎水  
滋陰明目祛勞嗽痰血渴煩腎脈貫肝兩循喉嚨系  
舌本腎虛則真陰失守  
孤陽飛越此喉痺咽腫痰嗽吐血之所由來也骨蒸  
潮熱亦本於此元參壯水以制火故並治之元參麥  
冬生地白芍丹皮大劑煎湯磨  
犀角汁對飲治熱嗽痰血甚驗

沙參

反藜蘆

味甘苦、氣薄、體輕、性微寒、除邪熱、導清肺、

兼益脾胃、滋養肝血、散遊風、療痺、消瘰癧、癆瘵、癰、

痺、止頻驚、除疝疼、心腹疼、但性緩力微、難勝專任、易

老曰、人參補五藏之陽、沙參補五藏之陰、特以其甘

涼而和、補中益氣、故有是論、若言對待人參、相去天

淵、沙參一兩、阿膠五錢、大劑

煎飲治虛勞久嗽肺痿 ○局方沙參五錢水

苦參

反藜蘆

味苦、性寒、沉也、陰也、入胃、大腸、肝、腎、主腸

風、下血、及熱痢、利疼難當、療溫病、狂亂、致心燥、結胸

垂死

酒煎一兩、能吐天行溫毒

赤癩、眉脫、毆風、除濕、有力。誦菴云、

鄭真一



用苦參、黃芩、倍胡麻、治大風、癩疥、屢有愈者。黃疸、食勞、失饑、過飽所致，苦

龍胆草等分，為末，牛胆汁和丸，如桐子大，漸服五、七、九、九、日三次，生大麥芽汁送下，甚驗。並一切

瘡瘍、風熱、斑疹。皂角四兩，水揉搥汁，入苦參末二兩，和丸，溫水送下，錢鏐治通身風疹，瘡

疼不可忍，即近懸處皆然者，亦多痰涎，夜不能卧，甚驗。

黃連出川味苦大寒，味厚氣薄，諸涼藥皆潤，而此獨燥，

降中微升，陰中微陽，專瀉諸火。古方有黃連解毒湯火在上，米

酒炒，火在下，童便炒，火而嘔者，薑汁炒，火而伏者，鹽

水炒，吳茱萸炒，止疼，陳壁土炒，止瀉，同大黃治溫病

邪熱，同枳實除宿食火脹，同花粉消痰熱煩渴，同廣

木香治滯下瀉利腹疼同吳茱萸治肝熱吞吐酸水

黃連六兩吳茱萸黃清肝涼血和胃厚腸涼胆止驚癇一兩各左金丸

瀉心除痞滿散陰尸腫疼敗食積熱疔去惡瘡瀉腫

除濕熱鬱煩善消痔漏亦治火眼解烏附巴豆毒瀉

血氣痰食火若虛火犯之反從火化助熱但景諸瀉心湯用之

胡黃連味苦性寒入肝胆心胃與黃連同功治溫

病疹瘡骨蒸勞嗽三消五痔五心煩熱火毒血痢同烏

梅伏龍肝等分為末茶清調服明耳目益顏色療胎蒸虛驚除五疳

蟲熱胡黃連黃連等分丹砂減半入猪胆內煮熱取出加蘆薈同連數磨少許糯米粥丸服

黃芩 味苦氣寒、氣輕於味、降而能升、陰中微陽、枯者入肺、條者入大腸、欲其上、酒炒、欲其下、生用、枯者清上焦之火、消痰利水、定喘止嗽、解溫疫熱毒、退往來寒熱、清咽利膈、尤祛肌表之熱、故治赤眼斑疹、鼠漏瘡瘍、條者涼下焦之熱、能除赤痢、熱畜膀胱、大腸秘結、便血漏血、胎因火動不安、酌佐砂仁、白朮、腸因火滯爲疼、可加黃連、厚樸。仲景黃芩湯治太陽少陽合病下利。

黃柏 味苦微辛、大寒、陰中微陽、善降三焦之火、但其性多沉、專入足少陰本經、爲足太陽厥陰之引經

也清胃火、嘔噦蛇蟲、除伏火、骨蒸煩渴、去腸風熱痢、  
下血、逐二便邪火結淋、上可解熱渴、口瘡喉痺、癰瘍、  
下可去足膝濕熱疼痛、痿躄、黃柏、蒼朮、各二妙、散治下焦濕熱、總之  
寒潤降火最速、本草言其制伏龍火、補腎強陰、然吾  
謂龍火豈沉寒可制、水枯豈苦劣可補、陰虛水涸得  
降愈亡、撲滅元陽、莫此爲甚、水未枯而火盛者、用以  
抽薪則可、水既枯而發熱者、用以補陰實難、當局者  
勿泥陳言、認爲補劑、○瀉膀胱邪火、利小便熱結、降  
下焦濕腫、治痢疾便血、但脾虛胃弱者、宜慎用之、脉

滑大有力、鹽水炒用、

知母

酒鹽水炒

味苦辛、氣寒、氣味俱薄、性沉而降、陰也、上

清肺金而瀉火、下潤腎燥而益氣、漏無根之浮火、退有汗之骨蒸、潤肺解渴、消痰止嗽、治傷寒煩燥、療溫病大熱、利二便、清浮腫、按本草言其滋陰、又言滋化源者、正因苦寒滅火、以救腎水不致於涸耳、與黃柏

畧同、非真補腎也、

時珍曰、知母佐黃柏、有金水相生之義、但黃柏入血分、知母入氣分、

各一兩、肉桂二錢、爲末、煉蜜丸、名滋腎丸、治下焦虛熱、小便不通、此東垣治王善夫方也、

梔子

味苦、性寒、味厚、氣浮、輕飄象肺、色赤入心、瀉

心肺邪熱屈曲下行而三焦之鬱火以解則熱厥心  
疼以平吐衄痢血以息及心煩懊憹不眠五疸五淋  
津枯口渴目赤紫癰炮鼓瘡瘍悉除留皮除熱在肌  
表去皮却熱在心腹仲景因氣浮而苦極易動吐合  
淡豆豉用爲吐藥以去上焦之滯痰本經謂其治大  
小腸及胃中熱丹溪謂其解鬱熱行結氣其性屈曲  
下行大能降火從小便泄出非利小便乃清肺也肺  
清而化膀胱爲津液之  
府故小便余謂助以佐使治各不同加茵陳除濕熱  
得以出也得加豆豉除煩燥不眠加厚朴枳實除煩滿加陳  
疸黃加豆豉除煩燥不眠

皮生薑除嘔噦。加生薑汁。除心胃久疼。加元胡索。除  
疼。因血結。又止霍亂轉筋。去目赤。癰癤炒黑。尤清肝  
胃之火。解鬱止血。服末治吐。吹鼻治衄。

連翹

去心

味苦辛。氣寒。氣味俱薄。輕清升浮。陽中有陰。

入手少陰。手足少陽陽明。瀉心經客熱。殊功。降脾胃  
濕熱。神效。去寸白。虬蟲。通月水。五淋。以其味苦。輕故  
達肌表。散癰毒。斑疹。瘡家號爲聖藥。以其氣辛。散故  
走經絡。通血凝。氣滯。結聚。所不可無。河間雙解涼  
膈俱用之。

青黛

波斯者良  
大則福青

味甘苦。性寒。入肝脾。除鬱火。解熱毒。

散腫硬

同馬齒莧搗敷一切濕熱瘡

止血痢療傷寒溫病發斑面

黃鼻赤耳聾目直視

治小兒疳瘡蟲瘦驚癇狂邪悶

痰唇焦渴

青黛散治發願及兩腮腫硬青黛一錢甘草蒲公英二錢銀花五錢桔梗半個酒煎

白頭翁

近根有白茸得酒良味苦性寒堅骨涼血入陽明血分

主火毒血痢

仲景白頭翁湯溫瘧發狂癰疽積聚瘰癧吐衄

齒骨疼痛男子偏疝小兒禿癪

石蓮子

去殼味苦性寒入心胃膀胱主噤口痢濃煎石

入沉及濕熱滲入膀胱而為遺濁淋瀝清心除煩開

胃進食

按噤口痢由元氣虛脫大便頻數心氣與胃不接故也得石蓮以通心氣而胃氣自開矣



川楝子

漿水煮去核

味苦，氣寒，有小毒，入肝，舒筋，治藏毒

下血

炒末蜜丸，大米飲下

療腎消膏淋

同茴香炒等分，為末，溫酒調下

尤導小

腸膀胱之熱，引心包相火下行，通利小便，為疝氣主

藥

按疝氣初起，未有不因內虛外襲，留而不行，其病則實，然必先疏泄其氣，所謂通則不滯不疼矣。若

驟加補益，入腹攻心，變成危證。古人用五苓散，加

揀子橘核，茴香，少加木通，枳殼，立方之工，穩極矣。

治傷寒溫病熱厥，熱在心，疼，腹疼，療瘍疥，殺三蟲。○

夷堅志曰：楝根白皮，濃煎入麝少許，治消渴有蟲耗

其津液者，下其蟲而渴自止。

合烏梅、生薑，使君子，或煎或丸服，諸蟲皆下。

牛蒡子

酒洗

味苦，氣平，性寒，入十二經絡，主風濕癰疹

盈肌退風熱咽喉不利散癰瘰瘡瘍諸腫之毒利手足腰膝凝滯之氣潤肺止嗽降氣消痰其性通散溫酒調末每服二錢祛齒牙蟲疼消面目浮腫

青蒿 味微苦性微寒氣清香童便熬膏退骨蒸勞

嗽治虛勞之聖藥也世以茵陳蒿代之大混鼻中息肉用青

蒿灰石灰等分淋汁熬膏點之甚效

茵陳蒿 味苦性寒入脾胃膀胱利濕清熱專治疸

黃佐用梔子黃而濕多腫再加滲利黃而燥乾瀉再

加涼潤惟陰黃一證不治黃疸發疸酒疸黃汗疸女勞疸亦有畜血發黃不盡

脾胃濕熱、女勞疸必屬腎虛、酌用四物、茜紫六味、知  
柏壯其水、四君培其氣、隨證加利、濕清熱藥、自效、

痰火濕熱、瀉痢固宜、寒熱痰瘡、發黃尤效、  
仲景茵陳蒿湯

山豆根、  
廣出者佳味苦寒、瀉心火、以保肺金、而大腸之風

熱亦清、主喉癰、喉風、齦痛、齒疼、熱咳喘滿、下痢腹疼、

療人馬之急黃、治蛇狗之咬傷、  
桔梗甘草湯、如山豆根、元參、荆芥、穗、防風

治咽喉齦齒

腫疼甚驗、

防己、  
車前草對蒸晒乾味辛苦、氣寒、入十二經、尤善

腰以下至足、濕熱腫盛、療風濕、手脚攣疼、拘急、口眼

喎邪、止嗽清痰、利大小便、惟十二經真有濕熱壅閉、

及膀胱積熱下注脚氣。誠爲要藥。但臭味拂人。妄用。

令人減食。木漢二種。木主風。漢主水。爲不同。脚氣乃寒濕鬱

而爲熱。治以防已爲主藥。濕加蒼朮。木瓜。熱加芩柏。原加羌活。華蘼。痰加竹瀝。南星。活血加四物。大便秘加桃仁。紅花。小便秘加牛膝。澤瀉。痔連脇加龍胆。寒連臂加桂枝。靈仙。沖心加檳榔。不可驟補。

石膏。味辛甘。氣大寒。氣味薄。體沉重。生用速。煨用

緩。降而能升。陰中有陽。以其寒散清肅。故祛肺胃三

焦之火。辛能清肺。解肌。最逐溫熱。暑濕而除頭疼。甘

能緩脾。益氣。極善生津。止渴而却煩熱。邪火盛不食。

胃火盛多食。皆其所長。陽明熱牙疼。太陰火痰喘。尤

當速效

仲景有白虎湯。景岳玉女煎。滋少陽之水。瀉陽明之火。良方也。

香薷

味苦辛。香散氣輕。有微上微下之功。療霍亂

中脘絞疼。治傷暑小便澇難。清肺熱撥濁四陰降胃

火鬱滯潛解。去口臭水腫亦消除煩熱。麻黃爲冬月

發汗要藥。香薷爲夏天散暑良劑。

局方香薷飲。香薷白扁豆厚朴黃連

等分。水煎治中暑熱盛。口渴心煩。濕加茯苓。木

瓜。虛加人參。白朮。陳皮。炙甘草。各十味。香薷飲。

枯藁實

反烏頭連皮子。搗用單用子。誤也。

味甘。氣寒。味厚。氣薄。性沉

降。陰也。降胸膈結滯痰涎。開脾胃熱鬱氣閉。解消渴

定喘脹。滑大便。療胸痹。

仲景有枯藁實。薤白白酒湯。

本草言其又能

補氣治虛勞、恐未必然。○天花粉、卽栝蒌根也、酸能生津、甘不傷胃、微苦微寒、降火清金、陰中陽也、大宜虛熱人、最涼心、肺渴熱、大降隔上熱痰、消瘧腫排膿、散跌撲瘀血、除狂熱雜疾、雜疾者、雜氣之疾也、卽所謂溫病也、去胃熱、

黃疸潤枯燥、利水道、止小便數、尤滌胸中鬱熱垢膩、爲消渴之聖藥、古人治消渴多用之、小柴胡湯以天花粉易半夏、仲景治少陽證口渴者、

馬兜鈴 味苦、性寒、陰中之陽、入肺經、主清肺、除咳、

痰氣喘、療血痔、久癭、按兜鈴主肺金、何以治痔癭、蓋肺與大腸相表裏、肺移熱於大腸、故有此證、清其裏、

而表自清矣

馬兜鈴散。治肺熱咳嗽痰血。兜鈴錢半。阿膠、元參、生地、麥冬、二錢、五味子、桔梗。

甘草一錢。水煎服。

○根名青木香，下氣甚速，散氣最捷。

枇杷葉

去毛。蜜炙。

味苦，性平，清金和胃而下氣。氣下則火

降痰消，而熱咳嘔逆煩渴之證悉平。

詞菴曰：一婦肺熱久嗽，身如大

炙，肌瘦成勞，用枇杷葉、款冬、紫菀、桑白皮、杏仁，木通等分，大黃減半，煉蜜丸，早晚嚼化，一丸，大終劑而愈。

金銀花

味甘，氣寒，白入肺，黃入脾，大益氣血，久服

輕身延年，補虛止渴，療水瀉腸澀血痢。

濃煎湯入密服，佐他藥。

用最良。

兼理風氣，除濕氣，尤主化毒，專治癰疽。

銀花甘草

一兩，酒煎，日三服，盡至大小，未成則散，拔毒功深已。

賜通利，則藥力到，毒自消矣。

成則潰、回生力大、此有益無損之藥也、世多忽之、

蒲公英 味甘苦、性寒、入脾胃腎、擦牙、烏髮、通淋

稱妙品、潰堅腫、消結核、屢著奇功、解食毒、散滯氣、每

藥神效、蒲公英五兩同金銀花或藤取汁入酒日三服盡治乳瘡按蒲公英花黃

屬土質脆斷之有白津塗孤尿刺莖如葱管而細四時常

花花罷飛絮絮中有子落處即生稟天地中和之性

故善解毒又名地丁者以其消疔毒也白汁點之

龍胆草 甘草湯浸晒乾味苦、性大寒、入肝胆膀胱胃、止瀉痢、

去腸中小蟲、却驚癇、益肝胆二氣、退胃中伏火、及溫



病發黃、臌下焦濕熱、並酒疸黃、脾、歐客忤疴氣、療癰

痘口瘡酒浸輔佐柴胡上治眼目赤疼努肉必加醫

療通用、

局方龍胆瀉肝湯龍胆黃芩梔子生地俱酒炒木通草前子澤瀉柴胡當歸甘草等分煎

服利濕清熱瀉肝。○龍胆爲末，以猪胆汁煎溫酒，  
胆諸方之準繩也。每調服一錢，治傷寒後益汗。

夏枯草

味苦辛性微寒入肝經主療癰癤癰瘤療濕

痺脚腫、肝虛目珠夜疼、

夏枯草香附等分、兩眼冷淚  
甘草減半水煎服

羞明散血破癥生肌鮮毒按夏枯草冬至生苗三月

開花。正厥陰風木主令。其爲汗經之劑無疑矣。丹溪

云夏至卽枯者蓋稟純陽之氣得陰氣則枯也

益母草

紫紅花者佳白花不堪入藥土老幹

味辛苦氣寒性滑利調婦

人經胎產諸證故有益母之名安生胎落死胎生新

血行瘀血消乳癰散熱毒除小兒疳痢

水煎五錢男入蜜和服

婦下血癰疹作痒堪作浴湯且善下水又能消脹本

草又云能益精輕身按血有瘀滯則胎不安瘀去新

生胎自安矣故用其滑利之性則可求其補益之功

則未也益精輕身之說殆不足信惟其氣輕不甚消

耗故宜於胎產若虛寒者宜忌子名茺蔚益精明

目行氣消瘀療血脹血逆心煩頭疼但行中有補較

勝於草、益母草花子一斤、柔桑枝三斤、寸斷、漫火同煎濃汁、去粗、熬膏、溫酒和服、益血明目、潤皮、膚活筋脉、去癢、寒瘰、男婦皆宜、並治紫白癰風、

牡丹皮 味辛苦、氣寒、味薄、氣輕、陰中陽也、入心腎

心包肝、瀉血中伏火、退無汗骨蒸、除產後滯血寒熱、祛腸胃畜血、堅微和血、涼血而生血、定神志、通月經、

止吐衄、療瘡癰、治驚癇、搗皆因陰虛血熱、風火相搏、痰隨火湧所致、下

胎胞住疼、本草言其善補而實無補性、但氣味和緩

辛涼、善行血滯、滯去則瘀熱解、勞蒸退、雖行滯而不

峻也、心藏神、腎藏志、心腎不足、則神馳而志衰、仲景八味丸用丹皮定神志也、

桑白皮

蜜炙

味甘辛，氣寒，入肺，升中有降，陽中有陰，辛

瀉肺中伏火，甘故緩而不峻，止喘嗽，墜血，解煩渴，除

痰，又水出高源，清肺亦能利水。

古方瀉白散，桑白皮、地骨皮、甘草、粳米、木

煎服，此瀉肺諸方之準繩也。

○桑葉，甘寒，入陽明經，燥濕涼血，去

風明目。

帶露抄末，米飲下，止盜汗。經霜木煎，早洗眼，去風淚。

代茶治消渴。扶桑

葉黑芝、藤等分，為末，煉蜜丸，長服。

○桑枝，除風濕，潤

補腎養肝，去風勝濕，烏鬚明目效。

○桑枝，除風濕，潤藏府，壯筋骨，明耳目。兩枝煎，擇桑條桑嫩者，寸斷五

掌疼，散胸氣，潤枯穢，去渴痒，辟叔微日，三服盡，治手臂

病，手臂疼，數年，諸藥不效，服此數劑，尋愈。

代赭石

大煨

味苦辛寒，沉也，陰中陽也，入心包肝，養

血氣平血熱療小兒慢驚風

東瓜仁煎湯調蒲石末一錢服自愈與急驚實

熱不同若急驚風則並吐衄崩帶產難胎動及心下

痞硬嘔氣

仲景代赭旋覆湯取其重以鎮虛逆赤以養陰血也後人用治噎膈因痰氣阻塞故

羚羊角

磨汁

味苦鹹性寒入肝並入心肺療風寒熱在

肌膚溫毒伏在骨間驚妄狂越魂魄不安男女猝熱

摘搦產婦敗血攻冲清心涼肝舒筋明目磨汁消怒

莖於上燒灰主食噎不通

本事羚羊角散治妊娠中風涎潮僵仆口噤搗掣名

于獮狴羊角磨汁入當歸茯苓神黑棗仁薏仁一錢杏仁防風獨活川芎六分木香磨汁入甘草三分薑煎

犀角

磨汁

味苦辛氣寒氣味俱輕陽中陰也其性走散

而升色黑。功力在尖涼心清肝除胃中大熱。辟邪解  
毒祛風利痰。時珍曰。五藏六府皆稟氣於胃。風邪熱  
毒必先干之。飲食藥物必先入之。犀角之精華所聚  
直入胃中。能解一切毒。療一切血。並治傷寒溫病發  
狂發斑發黃。驚悸。關惕。瘧疾之證。故傷寒熱毒表閉  
而非汗不解者。磨朱搗入發散藥中取汗。速如響應。  
今人止知犀角能解心胃熱。而不知其涼而升散。尤  
速於升麻也。活人書治吐衄血。用犀角地黃湯。無犀  
角。代以升麻。蓋亦有理。朱二允非之。殊不盡然。但升

麻純陽氣浮有升無降。犀能分水。陽中有陰。升而能降。代治大小便下血。則得矣。若吐衄。恐血隨氣升。涌出不止。如氣平。火不上炎者。亦可代。孕婦切忌之。

童便。味鹹。氣寒。沉也。陰也。鹹走血。寒涼血。故善清諸血妄行。吐血衄能止。陰火自退。定喘促。降痰氣。解煩渴。利大小便。要之非用童便也。實則用本人小便耳。不然。內經何以謂之還原湯。綱目何以謂之輪回酒乎。以自已之小便。治自已之病痛。入口下嚥。引火下降。甚速也。其如愚夫愚婦。執而不用。何哉。疎為秋石。反失其性。

熱劑類

附子

反半夏括萎貝母白芩白朮中其毒者以犀角黃連甘草黑豆煮湯解之是其所畏者也生

者味辛甘、醴者味辛鹹、性大熱、有大毒、陽中之陽、其

性浮、中有沉走而不守、除表裏沉寒、厥逆口噤、仲景有

逆且能引火歸原、制伏龍火、仲景有白通加人尿猪胆汁湯善助參

者成功、尤贊地黃建效、無論表裏、但虛寒脉細無神

者、皆當急用、仲景有附子湯孕婦切忌之。○川烏頭、即春間

所採附子之嫩小者、主中風洗洗出汗、烏頭梔子等

治疝氣內鬱寒○側子、即附子旁出小顆、其性輕揚、而外束寒者



主發散。爲風疹及四肢發散要藥。反惡性味相類。○  
辯附子製法。稽之古人。有單用童便煮者。有用薑  
汁鹽水煮者。有用黃連甘草湯煮者。有數味兼用製  
之者。其中宜否。最要詳辯。夫附子之性熱而剛急。走  
而不守。土人以鹽醃之。故其味鹹而性降。今人所以  
用之者。正欲用其熱性。以固元陽。以補脾胃。以行參  
耆地黃等功。若製以黃連。則何以助其回陽。若製以  
鹽水。則更以助其降性。若製以童便。則非唯更助其  
降。而脾胃大虛者。尿臭一入。極易動嘔。是藥味入口。

則先受其害且令沉降尤速何以達脾唯薑汁一製直中陰寒者用之最良若常用而欲得其補性者又不必用此余意總不如用甘草酌附子之多少對用煮極濃湯先浸三二日剝去皮臍切爲四塊再易甘草濃湯浸三二日捻之軟透切爲薄片入鍋文火炒至將乾口嚼尙有辣味是其度也若炒太乾則過熟而無辣味其熱性全失而無用矣其所以必用甘草者蓋以附子之性急得甘草而後緩附子之性毒得甘草而後解附子之性走得甘草而後益心脾附子

之性散得甘草而後調榮衛。此無他。不過濟之以仁而。成其勇耳。若急用。則以麵裹而火炮者。亦可直中陰寒厥逆將危。緩不及待。則單用炮附。不必更用他法。夫天下之制毒者。莫如火。火之制毒者。以能革物之性。故以氣遇火。則失其氣。以味遇火。則失其味。剛者。革其剛。柔者。革其柔。如但煮之極熟。全失辣味。狀若蘿蔔之可食矣。尙何補益之有。今人祇知附子之畏。而不知過熟之無用也。

肉桂 味辛甘。性大熱。陽中之陽。氣味沉重。專補命

火引火歸原，桂爲木中王，故平肝，味甘故補脾生血。  
凡木勝尅土而無大熱者，用之極良，與參附地黃同  
用，最降虛火，治元陽虧乏，陰虛發熱。黃耆湯加桂，肉  
甘草是也。但善於動血，墜胎，觀仲景治畜血證，桃仁  
承氣湯用肉桂可知矣。○桂枝，味辛甘，氣輕，故能走  
表，調和榮衛，故能發汗，又能止汗，四肢有寒疾，非此  
不能達。仲景桂枝湯，治冬月中風，頭疼發熱，汗  
出脈緩者，此千古良方也，治病多多矣。  
乾薑，味辛大熱，生用發汗，炮熟溫中調脾，通神明，  
去穢惡，凡脾寒而爲嘔吐者，鮮者煨熟用之，凡虛冷

而為腹疼瀉泄者乾者炒黃色用之仲景理中湯皆治之產後

虛熱者炒黃黑色用之虛火盛而吐血痢血者炒黑

灰用之按乾薑炒為黑灰已將失其性矣其亦可以

止血者取血色屬火黑色屬木之義亦取薑灰性瀉

之義耳若陰盛隔陽火不歸原而上見血者仍留性

為妙汗多者忌之○丁香純陽泄肺溫胃療腎虛壯陽煖陰去胃冷脹嘔呃忒

益智子鹽炒味辛氣溫入心腎主君相二火以補脾胃

之不足治遺精崩漏瀉泄小便餘瀝同烏藥酒煮山藥丸各隨泉丸

開鬱散寒建中攝涎合六君按益智辛溫善逐脾胃

之寒邪而土得所勝則腎水無冷尅之虞矣

破故紙鹽炒味苦辛氣大熱性燥而降壯元陽煖水藏

治命火不足而精流帶濁脾腎虛冷而溼瀉滑痢以

其補陽故煖腰膝酸疼以其性降故能納氣定喘然

氣微宜避之古方補骨脂丸蓋元氣壯筋骨則下元

也破故紙四兩菟絲餅四兩胡桃仁一兩沉香一錢

五分爲末煉蜜丸如桐子大每服三十丸鹽水浸酒

按時令送下自夏至起冬至止唐張壽知廣州得方

於南蠻詩云三年時節向邊隅人信方知藥力殊奪

得春光來在手青○淫羊藿辛香甘溫入肝腎命門

煖休笑白髭鬚治絕陽不生絕陰不成

石硫黃者良味酸性大熱陽中之陽有毒與大黃並

補命門真火桂附不如也性雖熱而能疎利大腸與  
燥瀉者不同如元陽暴絕脾胃虛冷久患泄瀉寒澀  
遺漏精滑者用之大有起死回生之功古謂熱劑兼  
補此類是也古方玉真丸石硫黃二兩半夏石膏硝  
仲景白通湯加人尿者胆汁義同○古方花蕊石散石硫黃五錢花  
米酒味甘辛苦大冰凝海唯酒不凍陽中之陽過  
則傷人少則養氣和血大有補益入口下嚥上至天  
下至泉內藏府外皮毛無處不到能引諸涼藥至熱  
所毆逐邪氣外散尤為溫病聖藥易曰火就燥是也

補命門真火桂附不如也性雖熱而能疎利大腸與  
燥瀉者不同如元陽暴絕脾胃虛冷久患泄瀉寒澀  
遺漏精滑者用之大有起死回生之功古謂熱劑兼  
補此類是也古方玉真丸石硫黃二兩半夏石膏硝  
仲景白通湯加人尿者胆汁義同○古方花蕊石散石硫黃五錢花  
米酒味甘辛苦大冰凝海唯酒不凍陽中之陽過  
則傷人少則養氣和血大有補益入口下嚥上至天  
下至泉內藏府外皮毛無處不到能引諸涼藥至熱  
所毆逐邪氣外散尤為溫病聖藥易曰火就燥是也

燥劑類

白附子

新羅者佳泡用

味甘辛純陽大熱有毒入肝脾去頭

面遊風可作面脂主血痺心疼且行藥勢歐諸風冷

氣解中風失音磨醋擦身背汗斑尤去疥癬

用茄蒂如瘰癧

藥擦三日研末收陰囊濕痒並滅癰瘰

牽正散治中風口眼喎斜

白附子白礬薑酒炒全

蝎炙等分溫酒調末服脾胃燥熱者忌之

蛇床子

味辛苦氣溫腎命三焦氣分之藥強陽益

陰補精散寒祛風燥濕主男子陽痿囊濕女子陰疼

濕痒

同吳茱萸煎湯薰洗或同白礬煎洗

子藏虛寒產門不開及腰酸



體痺帶下脫肛濕痒惡瘡一切風濕之證

吳茱萸

湯泡

味辛苦氣溫性燥氣味俱厚升少降多有

小毒雖入脾腎實肝家主藥胸膈停滯而為嘔逆吞

酸

同白茯苓為末煉蜜丸名吳仙丹吞酸膽心為精導

腸胃陰寒而為臍腹脹

疼及小腸膀胱寒疝寒疼少陰下利厥陰頭疼皆其

所長

仲景有吳茱萸湯

東垣曰濁陰不降厥氣上逆隔塞脹

滿非吳茱萸不可治也其性雖熱而能引熱下行

古方導氣

吳茱萸黃蘗半小茴二錢木香三錢川楝子四錢葛根二個長流水煎治小腸膀胱寒疝寒疼

白根

較寸白三錢煎服即出○枝擦二便關格入口立通

並向東南方取之方獲實效。本草曰凡用樹根樹枝宜採向東南方者凡採根皮出土上者殺人。

肉豆蔻

麵包煨熟去油切片酒炒

味辛氣香理脾燥濕行氣調中

逐冷祛痰瀉腸止瀉治積冷腹內脹疼惡心吐沫療

小兒胃寒吐瀉乳食不下因其固腸則元氣不走故

曰能健脾胃非真補益也性尤善於下降得中則和

平過用則洩氣耳

古方四神丸治元陽衰憊脾瀉腎瀉肉蔻二兩五味三兩故紙四兩

吳茱萸一兩半綠加木香五錢爲末生薑四兩大棗百枚同煮以棗肉丸任下

白豆蔻

味辛氣溫味薄氣厚升也陽也流行三焦

溫煖脾胃。資肺家本藥。別有清爽之氣。散胸中冷滯。  
溫胃口。止疼。除嘔逆反胃。祛宿食脹膨。退目眇紅筋。  
去白睛翳膜。消痰氣。解酒毒。欲其速效。嚼嚙甚良。  
草豆蔻。味辛。氣燥。升也。陽也。入脾胃。消痰食。除脹  
滿。祛寒濕。止霍亂瀉痢。辟山嵐瘴氣。但其性燥急。不  
如白蔻有清爽之氣。而辛溫發散。又與草果相似。同  
砂仁溫中。佐常山截瘧。胃燥發熱。三蔻並忌。

蒼朮

茅山者佳  
米泔浸炒

辛溫燥烈。氣味俱暴。可升可降。陽也。

然性不純良。能溫散。故發汗。寬中。却心腹脹滿。散風。

眩頭疼消痰癖氣結能燥濕故強脾勝濕止吐瀉消  
腫 歐足痿帶濁去水飲辟穢 蒼朮一斤茯苓四兩  
入脂麻汁又能總解六鬱有燥熱者大忌  
搗丸任下

### 瀉劑類

蓮子

福建者佳

味甘瀉氣平益十二經脈氣血瀉精氣厚

腸胃除濕熱治脾瀉久痢白濁夢遺血淋吐衄崩漏

蓮子茯苓等分入雄豬肚內煮此脾之果也交水火

而攝心腎安靜上下君相二火猶黃波媒合嬰兒妊

女之理也。蓮藕生甘寒涼血散瘀止渴除煩熱甘

溫益胃補心止瀉平怒。蓮鬚清心滋腎益血固精。

蓮葉色青中空形仰象霞補脾胃而升陽散瘀血

而生新主一切血證洗腎囊風濕療夢遺泄精莫一

云連葉爲末酒調服三錢龍骨牡蠣不若也。治濁可本丸

鬚猪苓黃蓮二兩黃柏砂仁益智仁半夏茯苓一兩

甘草五錢爲末煉蜜丸蓮葉湯下此固本之中兼利

濕清熱解鬱調氣而除痰也。余丙子夏在毫一小

年張姓咳血遺精已經二年狼狽之甚診其脉沉細

而數用紅蓮花十八片蓮子蓮鬚蓮房蓮葉藕節俱

二錢水煎七服而吐遺止後用六味丸加蓮子芡實  
子金櫻子蓮葉湯下服百  
日康健如故因各愛蓮湯  
芡實子嬰兒多食能令  
形體矮小與之味甘氣平入脾腎經能健脾

此方治腰膝疼痛  
加熟地黃  
為妙

養陰故治腰膝疼痛強志益精能補腎益髓故令延

壽耐老目明耳聰且收脫住瀉必氣清精但其性和

緩難收速功艾實散艾實粉金銀花乾薑熟地等  
分為末冬湯夏水調下久服却病延年

木瓜 味酸清氣溫飲肺平肝理脾和胃化食止渴

氣脫能收氣滯能散調榮衛利筋骨去風濕治霍亂

轉筋脚氣瀉痢肩臂腰足無力之證木瓜酒方治肩  
臂腰疼並風濕

痰氣手足腿膝麻木疼木瓜川續斷威靈仙鈎藤鈎

防風三錢續地風金銀花歸身五錢紅花桂枝升麻

一錢煮黑紅谷酒四觔早晚服若腰以下疼木去升  
麻加杜仲牛膝三錢此和榮衛利筋骨之要藥也  
秦皮 漬水碧色 味苦氣寒色青性滑補肝胆而益腎  
書紙不脫

以其平木故治目疾驚癇以其收瀉而寒故治崩帶

血痢仲景白頭翁湯用之加阿膠三錢以其瀉而秘

氣故益精有子時珍曰天道貴畜惟收瀉故能補

川續斷酒浸川出者佳味苦而瀉氣微涼入肝腎他產

者味甘辛苦少瀉少不效其味苦而重故調血脉續

筋骨療跌撲折傷消腫毒生肌膚理金瘡癰瘍乳結

療瘰癧殊功腸風痔漏立效其味瀉而收故治腰疼煖

子宮止胎漏崩中調血痢縮小便固夢遺精滑佐以

人參甘草熟地山藥之屬其效尤捷謂菴日貫墮胎者受孕一兩月

川續斷酒浸晒乾二兩和仲補腎氣托住命元何豐  
藥六兩煮糊丸米飲送下大補腎氣托住命元何豐  
之有血熱者○沙苑蒺藜辛溫瀉肺氣而散肝氣苦  
又當別論

訶子去核味苦酸澇苦重酸輕性急善降陰也入肺肝

脾胃大腸生用清肺煨熟固腸消宿食去腹脹通津

液破結氣逐滯開胃驅風降痰因有收斂降火之功

故定喘止嗽下氣除滿若上焦元氣虛陷者煨熟少

用雖欲固下而苦降之性在所當避蓋能瀉腸又能

洩氣故也丹溪曰文只有六路為真東垣訶子散治久瀉久痢虛脫

兩子煨乾薑炮罌粟發蜜炙等分橘紅減半調末服即訶黎勒



罌粟殼

泡去筋膜醋拌浸炒

味微甘性多瀉入肺大腸久痢滑

泄必用須加甘補同煎久虛咳嗽劫藥欲用要當知

慎

三元湯治虛病久病久瀉滑脫不禁罌粟殼蜜炙三錢蓮子十枚元肉十枚小棗十枚竹葉三十片

燈心三十寸

水煎入蜜服

椿樗白皮

去粗蜜炙

苦燥濕寒勝熱瀉收斂椿入血分樗

入氣分去肺胃陳痰主濕熱為病久痢滑瀉遺精便

數腸風崩帶

合滑石為末粥丸米飲下治白帶效

大有斷下之功時珍

久病年餘素乾飲好食魚鱗積毒在藏便與膿血雜下肛門冬甚諸藥不效用人參樗皮等分為末溫

酒或米飲調下

○樗根白皮半觔搗汁入水少許用二錢數服尋愈

小棗四兩煮三柱香去棗量調蜜

數匙露一宿早服治  
大便秘下血年久者

五倍子

炒

味鹹酸

其性瀉欬肺其氣寒降火生津化

痰止咳

黃昏咳嗽乃火浮肺中欬汗以自巳漱口水  
宜五倍五味飲而降之欬汗調末敷臍上效

療瀉痢五痔下血脫肛膿小濕爛子腸墜下色黑烏

鬚

醫學綱目云王元珪虛而滑精諸藥不效後用五  
倍子一兩白茯苓二兩為末丸服遂愈訖菴曰九

用秘諸藥必能通而後能此方茯苓倍於  
五倍一瀉一收是以能盡其妙也世罕知此

地榆

味苦酸澁性寒氣味俱薄陰中陽也入肝與

大腸雖理血病惟治下焦禁腸風下血塞痔瘻來紅

療月信不調並帶下崩中却疔熱瀉痢及積瘀時行

綱目曰地榆三兩醋煎日三服盡治下血痢血不止  
並婦人漏下赤白帶下加鼠尾草三兩水煎如前法  
服治下血二十餘年者驗又曰地榆三錢炙  
甘草三錢砂仁一錢水煎治結血下血腹痛

赤石脂 味甘溫酸澇性平色赤入心養血甘溫益

氣生肌而調中酸澇收濕止血而固下療久痢腸澼

仲景有崩帶遺精瘰癧痔脫肛合伏龍肝白礬等分為末煅之催生下

胞東垣曰固腸胃有收斂之能下胞衣無推蕩之峻

牡蠣煅粉味鹹澇入腎澇收煅鹹軟堅同熟地山萸肉

固精秘氣同杜仲麻黃根酒洗陰止汗柴胡為引療脇

下硬疼茶牙為引消頸下結核禁夢交淋瀝止精滑

崩帶

牡蠣粉而米苦參二兩能治婦人赤白帶下

龍骨

五色者佳

味甘性溫入心肝腎六腸收斂浮越之正

氣治驚癇風熱祛崩中帶下止腸風下血療瀉痢便

消斂虛汗縮小便皆潛以止脫之義○龍齒潛涼鎮

心安魂主驚癇瘵癲狂熱寶鑑所謂虎屬金定魄龍

屬木安魂是也

仲景柴胡牡蠣龍骨湯治少陽病誤下胸滿煩驚譫語身重小便清

消劑類

縮砂仁

味辛溫氣香竄入肺脾胃大小腸膀胱腎

補肺益腎和胃醒脾行氣消食醒酒逐寒祛痰嗽逆

咳立止療霍亂大除惡心消脹滿安氣滯之胎同枳殼服

却腹疼敗藏寒之瀉同乾薑五味服治瀉痢嘔吐腸壅散咽

喉口齒浮熱欲其溫散薑汁炒研益智人參爲使入

脾胃白蔻檀香爲使入肺茯苓黃柏爲使入膀胱腎

赤石脂爲使入大小腸總之砂仁爲行散之藥故能

引入七經性溫而不傷於熱行氣而不傷於尅尤爲

大陰脾之要藥常服最妙尊生書曰漫言水穀消融且化

骨硬銅鐵因收入消劑安胎散治跌墜損傷此所

仁炒熟去皮爲末溫酒調服二錢覺腹內胎動極熱則安矣又方砂仁威靈仙砂精醋煎服治諸骨硬

沉香忌味苦辛氣溫可升可降有陽有陰其性緩故

抑陰扶陽補助相火其氣香故通天徹地條達諸氣

談堊翁試驗方沉香五錢芫花三錢月季花頭二錢  
判碎入大鮑魚腹中就以魚腸封固水酒各半煮熱  
食之即愈所用之魚須安糞水內遊死者方效行氣  
原文曰此家傳方治癰瘰未破者活人多矣

不傷氣溫中不助火除心腹疼痛治禁口毒痢墜痰

涎平怒調翻胃嘔逆古方攝生飲治中風中痰中氣

入木香半夏南星錢半枳實細辛石菖蒲一  
錢痰盛加金蝎二枚生薑木煎一方有蒼朮

廣木香忌味苦辛微甘氣味俱厚降也陽中陰也行

肺肝脾氣滯如神去心腹脇氣疼甚捷和胃氣止嘔

瀉散逆氣除脹滿氣順癥癖自散氣調胎孕亦安佐

黃連治暴痢固大腸本草言其性補或以滯去食進

而脾自健耳非真能補也子和木香檳榔丸推蕩一切實積瀉痢食處咸宜木

香檳榔青皮陳皮枳實黃連黃柏三稜義術五錢香附大黃一兩牽牛二兩爲末芒硝水丸並虛實服清

火利氣破滯爲摧堅峻品濕熱積聚去則二便調而三焦通泰矣蓋宿垢不淨清陽終不能升也

枳實枳殼炒時珍曰實殼上世未分至魏晉始分用

乃一物也小如指頂而實者爲實長成而空者爲殼

枳實味苦酸微寒氣味俱厚陰中微陽性沉急於枳

殼除脹滿消宿食削堅積化稠痰逐瘀血破滯氣療

結胸痞。仲景枳實薤白湯。治胸痹結胸。其證心下  
痞堅。留氣結聚胸下。逆氣搶心。枳實五錢。  
厚朴五錢。薤白一兩。肉桂一錢。栝蒌實一枚。  
連皮子瓢搗爛。水煎分二服。連進。熱加黃連。佐白木。  
能健脾。佐大黃。能推蕩。但損真氣。虛者忌之。○下氣  
瀉痰滑竅。有推墻倒壁之功。故心下痞。脾血積也。東  
垣有枳實白木湯。若胸中痞。肺氣結也。活人有枳殼  
栝蒌湯。皆取其疏通快泄。破結散滯之義。○枳殼其  
氣畧薄。味亦稍輕。性亦稍緩。功亦相類。但枳實性重。  
多主下行。心腹削堅。而枳殼氣輕。多主上行。胸膈破  
氣。因其性緩。故用以束胎。虛者亦忌。○治胸中痞塞。



泄肺氣。凡刺疼皆宜用。破滯氣亦用。看何經分以引經藥導之。

青陳皮

皆橘子皮也

陳皮味苦、氣辛、氣實、痰滯必用、留白

味甘緩去白味辛速瀉脾胃濁痰、散心腹滯氣、飽逆

服滿堪除、嘔吐惡心皆效、解酒除煩、利水破積、通達

上下、統治百病、皆理脾燥濕之功、

丹溪曰、二陳湯能使大便潤而小便

良、豈獨治

痰一節乎。橘核治疝氣。橘葉散乳癰。

橘葉七片、青皮二錢、

石膏八錢、甘草節一錢八分、橘葉實一枚、酒煎服、一

方加蒲公、英三錢、金銀花三錢、連翹二錢、川芎錢半、

並治吹乳寒、

熱交錯者。青皮、即橘之嫩小者、苦能去滯、辛能

散氣酸能入肝又入三焦胆消堅癖除脇疼破惡瘡  
散乳癰解鬱怒劫疝疏肝破滯氣寬胸消痰肝虛者  
忌之蓋有滯氣則破滯氣無滯氣則損真氣也

厚樸薑炒味苦辛氣溫氣味俱厚可升可降有陽有陰

有小毒治霍亂轉筋消膨脹下氣止嘔逆吐酸除腹  
疼瀉痢能緩脾善走氣與蒼陳甘草同用謂之平胃

能除濕滿與枳實大黃同用謂之承氣能瀉實滿孕

婦忌之按服滿證治各不同氣虛血虛宜補濕熱宜

清利痰食宜消導寒鬱散寒怒鬱行氣養血  
消熱清補貴得其宜不可專用行散藥亦  
不可築作脾虛腎虛治也臨病宜致詳焉

藿香葉

出廣

味辛甘、氣溫、氣味俱薄、香甜不峻、快脾順

氣、開胃進食、除口臭、水腫止、霍亂吐瀉、

藿香五錢、陳皮五錢、黃土

澄水煎服、理脾滯、同烏沉等劑、健脾土、入六君同煎、

桔梗

味苦辛、氣微涼、氣輕於味、陽中陰也、載藥上

浮、有舟楫之名、入心肺胸膈上焦、載散藥、清理風寒

頭目、載寒藥、冷利齒牙咽喉、載肺藥、解肺熱、療癰痿

唾膿咳嗽、載痰藥、消痰涎、止喘嘔、利膈寬胸、引大黃

可使上升、引青皮平肝止疼、

仲景桔梗甘草湯治咽喉腫疼、陰陽通用、

檳榔

海南子佳、今所用者皆大腹子

味辛澁、微苦、氣微溫、味厚氣薄、

降也。陰中陽也。攻堅去脹。逐水除痰。消食醒酒。溫中  
快氣。療瘴癘瘧痢。脚氣冲心。童便薑汁溫酒調  
枳榔末二錢連服殺三  
蟲。開停滯。止心疼。墜胸中至高之氣。至於下極。按本  
草言治後重如奔馬。夫後重乃毒聚大腸而氣陷所  
致。此物性降。氣必愈降。味瀉。毒必不散。恐非後重所  
宜。本草又言洩氣極速。較枳殼青皮尤甚。而廣南之  
人終年朝夕。啖啜似非洩氣極速者。兩說極言其效。  
皆未盡其妙。蓋此物辛溫而燥。故能解毒利氣。逐腰  
導滯。然其味瀉。故行中有留氣。薄故降中有升。雖洩

氣散毒而不傷氣故治後重長咳嗽皆無妨也林玉露曰飽能使之饑饑能使之飽醉能使之醒醒能使之醉詳味斯言可得其性味矣○大腹皮大腹子皮也提碎黑豆湯洗辛瀉肺溫和脾下氣行水通大小腸治瘴瘧霍亂痞脹痰隔水腫脚氣氣虛者忌

烏藥 味苦辛性溫入胃腎諸冷能除凡氣堪順止翻胃消食積作脹縮小便逐氣衝致疼辟瘴癘時作解蠱毒卒中攻婦人凝滯血氣去小兒積聚蚘蟲又療癰疽疥癩猫犬病磨汁灌效嚴氏四磨湯烏藥沉香枳殼檳榔等分磨

汁煎服治七情氣逆虛加人參磨苦

香附

海南者佳

味苦辛性溫氣味俱厚陽中有陰氣中血

藥也童便炒下行醋炒理血滯酒炒散氣疼行氣開

結和血解鬱去皮膚搔痒消腹脇脹疼治經胎產諸

證號為婦女聖藥若陰虛燥熱汗出血忘者忌

正氣

天香散香附四錢烏藥蘇葉陳皮一錢乾薑五分水

煎服

平肝行氣則氣順血和而經自調疼自止矣

滑石桂府者佳味甘淡氣寒性滑降也陰也入膀胱大腸

利六府之瀉結

六一散滑石六兩甘草一兩為末服

分水道逐凝血行

津液利九竅實大腸清熱降火墮胎亦捷

鍊石丹治痧脹屢效

滑石三錢、琥珀三錢、陳石灰一兩爲末、木丸茶清送下二錢、煩燥、青黛爲衣、心悶亂、丹砂爲衣、

猪苓 味淡而苦、氣平、降也、陽中陰也、入膀胱、腎、通

淋、消腫滿、除濕、利小便、因其苦、故瀉滯、因其淡、故滑

竅、仲景有猪苓湯、利濕兼行義云、行水之功居多、仲景

五苓散用之、按五苓爲治水之總劑、訥菴謂曾世榮治驚風、亦用五苓、蓋以茯苓安心神、猪澤導小木、水

利則火降、金得木而旺、木得桂而枯、抑木則風息、風火寧而驚自定、曾可謂善用五苓者矣、可知仲景製

一方、即可通百病、人特不善體會耳、

澤瀉 味苦淡、微鹹、氣寒、氣味頗厚、沉而降、陰中微

陽、入膀胱、滲水去濕、利小便、瀉伏火、收陰汗、引藥

下行經云除濕止渴聖藥通淋利水仙丹若濕熱壅

閉而目不明非本草久服昏目之說也

澤瀉三兩白木二兩水煎

分三服治心下有水久服澤瀉未有不與熟地山黃同用者古

人製方有補必有瀉此仲景八味丸用澤瀉之微義

也。後人處方多填塞補藥何益之有當局者悟之

木通 味苦氣寒沉也降也瀉小腸火鬱利膀胱熱

淋導痰濕嘔噦消腹疼壅塞

木通二兩水煎服通則不壅不疼矣利血

脉九竅通達上下以其利水故也小水利則心火降

故導赤散用之古謂消劑兼通此類是也

通靈散治血瘀繞臍



腹疼甚驗。木通五錢。  
脂、赤芍、三錢。水煎服。

車前子 味苦氣寒。入膀胱與肝。祛風濕。目赤翳膜。

通尿管熱淋瀝疼。

炒末。米飲調服二錢。並治水瀉皆效。

利水除濕痺。性

滑善催生。涼血止吐衄。強陰能益精。○莖葉治淋瀝。

癃閉並尿血衄病。

生搗汁頻服。

更妙不走腎氣。子葉性味

無異。

古方三奇丸治目內障。車前子、麥冬、熟地等分。爲末。煉蜜丸服。

燈草

味淡性寒。入心小腸。通陰竅。利小水。除癃閉。

成淋。消水濕作腫。燒灰敷金瘡止血。療小兒夜啼。少

加冰片。吹喉中治急喉痺。再加珠子煨研。其效更捷。

鉢插乳香、少入油潤全無、確藏冰片、多加分兩不耗、

山查 味甘酸、性消導、然其氣輕、故不耗真氣、解宿

食、化痰滯、去瘀血、尅肉積、除頑疳、祛膨脹、發痘疹、潤

腸胃、健脾土、保和丸山查三兩、神麴麥芽半、夏茯苓

傷氣未病者、但以平和之味、消而化之、不必

攻補也、加白米二兩、各大安丸、則兼補矣、

六神麴 味甘、氣平、生發脾氣、熟斂暴氣、走脾胃二

經、助中焦土氣、逐痰消積、化滯調中、運化水谷、開胃

破癥、其氣腐、故除食熱、其性瀉、故止瀉痢、療婦人胎

動因滯、治小兒腹堅因積、

化生丹、神麴半生半炒、五兩、香附三兩、陳香圓二兩、

卜子半生半炒三稜、莪朮、橘紅、茯苓、澤瀉、一兩、山查、青皮五錢、為末、蜜丸、米飲下、治氣壅、血壅、食壅、水壅。

附造神麴法 白麵五觔、杏仁研炒五兩、赤小豆四兩、

煮熟、搗爛、外用蒼耳草、野蓼、青蒿、俱取自然汁、及河水

各一小碗、於六月六日、合一拌勻、乾濕得所、搗團、以

糠葉裹之、懸風處、經年用、

使君子忌茶味甘、氣溫、健脾胃、除虛熱、殺藏蟲、治五疳

瀉痢、同蘆薈為末、米飲下白濁、瘡癬、渾身頭面陰囊、虛腫、蜜炙

米飲、小兒尤宜、上證皆由脾胃虛弱、因而乳停食滯、濕熱痰塞而成、脾胃健、則諸證悉平、

○消癥丸、治小兒疳塊、腹大、面黃、肌瘦、漸成疳疾、使  
君子仁三錢、炒、木鼈子仁炒五錢、為末、水丸、龍眼

大鷄子一箇、破頂入藥。○肥兒丸治小兒脾弱疳積

一丸、封固、蒸熟食之。○諸大證、使君子肉炒、芡實

粉、黃連、神麴、麥芽、青皮、五錢、陳皮、一兩、胡黃連、白茯苓

茶、蘆薈、三錢、木香、人參、二錢、五分、為末、餅丸、如芡實

大米、飲化下、一丸、冬、斑湯、化下、加五穀、蟲、山

查、枳實、各五錢、更妙、瀉、加建、蓮子、五錢、蜜丸、

萊菔子 味大辛、氣溫、氣味俱厚、可升、可降、入脾肺

下氣消痰、食有推墻倒壁之功。○搗汁、攪薄荷汁、服立

凡胃有氣、食痰飲停滯、致成膨脹者、非此不除。○合皂

去皮子、弦等、分為末、薑汁入、煉

蜜丸、白水下、二錢、治一切痰氣、生升氣、炒降氣、升則

散風寒、吐痰食、寬胸膈、降則定痰喘、止咳嗽、却內疼

除後重、皆利氣之功。○萊菔 即蘿蔔也、生搗汁、調蜜服、治

除後重、皆利氣之功。○萊菔 即蘿蔔也、生搗汁、調蜜服、治

除後重、皆利氣之功。○萊菔 即蘿蔔也、生搗汁、調蜜服、治

噤口痢。

重者用黑羶羊肝一頁以著數效止消渴全

跌傷湯火傷炒熟用寬中降氣化痰消痰治吐衄咳

喘吞酸利便制麵毒豆腐積服何首烏熟地忌之恐

白鬚髮以多食滲血故也。

古方滋補丸菜菔汁藕汁梨汁人乳各一碗熬成膏

入煉蜜一觔用小黑藥豆炒焦爲末同蜜膏和令得所每丸重一錢五分丹砂爲衣細嚼滾水送日三服

白芥子 味大辛氣溫調五藏消痰癖除脹滿平喘

急寬中利膈開結散滯辟除冷氣然味厚氣輕故開

導雖速而不甚耗氣能去脇肋皮膚之痰則他處可

知過煎則無力。

三子養親湯白芥子紫蘇子萊菔子合二陳湯更妙

旋覆花

即金沸草

味甘鹹性溫入肺肝大腸膀胱主結氣

風氣脇下氣膈上痰如膠漆下氣利大腸逐水濕丹

溪曰走散之藥虛者少服

金沸草散加杏仁五味子下氣降痰治諸咳嗽皆驗

前胡

味苦氣寒性降下痰氣如神開結滯亦速去

胸中喘滿消風熱霍亂除肝胆風痰解嬰兒熱疳

已卯

歲試商邑庠生宋知年四五十歲一子月子內得疳

熱已經三歲骨蒸肌瘦危迫極矣余用前胡柴胡秦

芫青蒿黃芩梔子龍胆草胆星生地黃一錢人參甘

草五分生梨生藕二片一服熱退神清而愈快哉

半夏

反烏頭生嚼戟喉閉氣生薑製

味大辛氣溫能走能散可升可

降陽中陰也體滑性燥和胃健脾補肝潤腎發表開

鬱下逆氣止煩嘔發聲音利水道除痰涎脇疼嘔惡  
氣結消痰核腫笑脾濕瀉泄祛痰結頭疼眉棱骨疼  
經云半夏和胃而通陰陽若嘔吐不止加薑汁微炒  
卽孕婦服之亦無妨也二陳湯加枇杷葉去毛蜜炙三錢治孕婦惡阻古有  
三禁血家汗家渴家然間有用之者按局方半夏硫丸  
薑汁糊丸服治老人虛秘取其潤滑也內經云胃不和則睡不安治之以半夏湯半夏二升秫米二升水煎服是果性燥者乎不知濕去則土燥痰涎不生非半夏之性燥也世徒以性燥而治濕痰則半夏之功  
用不彰矣

川貝母

反烏頭

味辛氣寒氣味俱輕用須加倍解肝經

鬱怒散心中逆氣，祛肺癰痰，膿喘嗽，降胸中因熱結  
胸足生人面瘡，燒灰油調頻敷。產難胞不下，研末用  
酒和吞，亦除癰疔喉痺，亦止消渴煩熱，赤眼翳膜堪  
點。脾鬱黃胆能毆，但貝母治肺燥之痰嗽，與半夏治  
脾濕之痰嗽，為不同耳，須辯之。

胆星

九奎者佳

味苦，性沉而平，降痰涎，因火動如神，療急

驚有痰搐，必用。總之有實痰實火，壅閉上焦而氣喘

煩燥，焦渴脹滿者，非此不除。

右方金星散治大人小兒犯鹹哮喘者，胆星一

錢，紫菀葉一錢，甘草五分，水煎調雞肉金末七分服。

○南星祛風散血，勝濕除



痰下氣破癥攻積拔腫性更烈於半夏

鬱金

楚產蟬肚者佳

味辛苦性寒純陰之品入心肺主順氣

破血開鬱治尿血吐血衄血氣作疼消血積歸經經不

下行上為吐血鬱金二錢和韭汁薑汁童便服血自下行有痰涎入竹瀝且善治蠱毒同升

麻煎服不其性輕揚上浮故散鬱遏有功入血分余

人氣分行滯氣不損正氣破瘀血亦生新血白金地

敗血攻心癲狂失心者鬱金七兩白礬三兩為末

米粥九服蓋鬱金入心散惡血白礬化頑痰故也

黃蘗產廣性味與鬱金相似然較烈下氣最捷破血立

通調月信消瘰腫升降散但稍損真氣用宜慎之

丹參

以藜蘆

味苦，性微寒，入心定神，破瘀除癥，消癰散

腫生肌排膿，治風邪留熱，眼赤狂悶，肢節疼痛，四

肢不遂，破宿血，生新血，落死胎，安生胎，理婦女經脉

不調，血崩帶下，鄭真一曰：養神定志，通利血脉，實有

神驗。一味丹參散，功同四物。

溫酒調末三錢治婦人經胎產諸證

五靈脂

去砂

味甘，性溫，入心肝主心腹冷氣疼痛，腸風

產後血暈，去疳疔。

疳熱有蟲壯服同明黃連為末丸服

散目翳，解蛇毒。

酒浸行血，醋炒止血，其功最捷。

失笑散散瘀結甚驗

延胡索 味辛苦，氣溫，入肺脾，心包，肝行血中氣滯。

氣中血滯、止腹疼、通經、調月、水淋閉、除跌撲凝血、散  
癥瘕、疝氣、一切因血作疼之證、悉治之、生用破血炒  
用調血、酒炒行血、醋炒止血、但其力迅、墮胎、血枯勿  
加、延胡索、當歸、肉桂等分、為末、溫酒調服、三錢、治  
肢體拘疼、並冷氣腰疼、皆氣血凝滯所致也、  
紅花酒炒味甘微苦、氣微寒、陰中微陽、唯入血脉、尤宜

女科、少則和血行經、多則破血通瘀、瘀行則血活、熱結於中、吐紫黑  
血者、吐出血為妙、吐未盡、加桃仁、紅花、  
以行之、大抵鮮血宜止、瘀血宜行也、能不死胎、亦療  
血暈、達痘瘡、血熱難出、散斑疹、血滯不清、金匱紅藍花酒云治

婦人三十  
二項風、○子、能解消渴、與麥門冬  
同煎更妙

澤蘭葉 味甘苦性微溫入小腸通肝脾之血治經

胎產百病通九竅利關節散頭風目疼療吐血鼻紅

消瘰癧疥癬按澤蘭葉通利小腸則脾肝無壅閉之

患故透竅以理血脈行血無推蕩之苦養血無滯膩

之虞女科爲聖藥有自來矣瘰癧由血熱故亦治之

澤蘭葉湯治產後陰戶燥熱或潮花各日陰潮先以  
澤蘭葉四兩煎湯薰洗三次再加枯礬五錢煎洗之

即安。又治產後水腫澤蘭葉  
防已等分爲末酒醋調服二錢

紫草茸 味甘鹹氣寒茸初得陽氣和血涼血利九

竅通二便治溫病邪熱小青涼  
散用之畜血黃疸痘疹血熱

惡瘡癰癤皆血分濕熱所致也

桃仁 味甘苦氣平陰中有陽入心包肝甘緩肝氣

而生新血苦瀉血滯而破瘀血生研用行血治血瘀

血閉血結通血隔破血癥逐血疼皮膚血熱燥痒畜

血發熱如狂仲景桃仁承氣湯悉治之炒研用和血治熱入血室

小紫胡湯加生地潤秘結大腸血枯不可妄用雙仁

丹皮紅花桃仁有毒難當尊生書曰桃仁不可去皮尖以皮花治

杏仁炒味苦甘辛氣溫平味厚於氣降也陰中陽也

有小毒入肺胃大腸其味苦降故定氣逆氣喘上中

通大腸氣閉乾結其味辛故瀉肺中滯氣逐隔上

痰涎佐以半夏生薑尤散出寒咳嗽仲景麻黃湯大青龍湯俱用之

按桃仁杏仁俱治大便秘但當以血氣分之脉沉在

血分桃仁陳皮治之脉沉在氣分杏仁陳皮治之黃

門上主往來魄門下主出閉故言肺與大腸為通道

茜根味鹹氣寒陰中微陽血中要藥或云茜草蘭

也破瘀同內經商茹合皂則骨等分為末味鹹故能

通經閉氣寒故能止動而惟能通故能止治勞傷吐

衄時來除血虛崩漏不止散跌撲血凝瘀聚解畜血

疸黃燥肝有胎須忌之、血閉酒煎服一兩效、血枯血熱血

動並建奇功、八珍湯加紫根五錢治脾虛而吐血崩漏尿血便血者

雄黃 味辛性溫得正陽之氣搜肝強脾殺百毒治

驚癇痰涎暑濕瘡利化瘀血為水散百節大風除勞

疳瘡疥破結滯殺蟲孕婦佩之生男姑存此說解毒丸治

纏喉急痺雄黃一兩鬱金二錢巴豆七粒為末麴糊丸津嚥三五丸如不能嚥先吹末喉中後白下

散劑類

白礬蠶去絲酒炒味辛鹹性平氣味俱薄升也陽中之陽

也三眠三起生於甲木成於丙火胎於午土殭得金

水之化、色白而不腐、喜燥惡濕、食桑葉而不飲有大

便無小便、余因其不飲而用之不飲之病、邪熱渴飲非正味之

飲也因其有大便而用治大便不通之病、火為無度亦

治之、蓋以天地清化之氣、滌疵癘旱潦之氣、於溫病

尤宜、可見溫病乃天地之雜氣為病、非四時風寒暑

濕燥火之六氣為病也、熱病即溫病、特以春夏分別言之耳、所以世人多誤以為

時知此者希矣、陶宏景曰、人家養蠶、時有仁簿皆

殲者、余因合簿皆殲之、蠶而用治合家皆病之疫。

李時珍曰、蠶病風、其色白死、不腐、故曰殲、余因病風



之蠶。而用治病風之人。古謂因其氣相感而以意治之者也。又曰。散風痰。頭疼。風熱齒疼。咽喉痺疼。皮膚斑疹。風瘡丹毒。風痒。一切風熱腫毒。觀此則蠶蠶之升陽散火。祛風勝濕。清熱解毒可知。普濟方。誇其善於治腹內之疼。余謂腹內之風熱火毒可知。聖惠方。稱其長於去頭上之風。余謂大頭溫。蝦蟆溫。用升降散。加味涼膈散。古消。以方有蠶蠶蟬蛻也。張元素曰。此物氣味俱薄。輕浮而升。陽中之陽。故能去皮膚諸風如蟲行。余謂升其清陽之氣。而濁陰之

氣自降也。故止渴除煩並驗。○朱丹溪曰：此物屬火，兼木與土，老得金氣，疆而不化，上治咽喉，取其清化之氣，從治相火，散濁逆結滯之痰也。余謂春夏多溫病，勢如火炎土燥，焚木灼金，一得秋分之金氣而炎熱自退，故蠶蠶爲溫病之聖藥。○時珍又曰：蠶屬火，喜燥祛風勝濕，主療溫病風濕之證。余謂若溫病而誤用麻黃、桂枝、羌活、獨活、細辛、白芷、蒼朮等味，辛溫發汗以散風濕，則煩燥益甚，而熱毒愈熾。此麻黃湯、桂枝湯、中和湯、人參敗毒散治溫病之所以壞事也。

千年長夜萬古遺憾。世人何曾夢見。余經閱歷而悟此。

蟬蛻 味甘鹹性寒。土木餘氣所化。升也。陽中之陽也。夫蛻者退也。脫然無恙也。豈獨能療驚癇除失音。止夜啼發痘疹殺疳蟲。爲小兒要藥已哉。又豈獨退翳膜侵睛祛努肉滿眵。爲眼科要藥已哉。吸風飲露而不食。有小便無大便。余謂人一日不再食則餓。七日不食則死。肺氣不下降。膀胱不氣化則死。腎虛膀胱不約則遺尿亦死。因其不食而用治不食之病。因

其有小便而用治小便不通之病。短赤淋遺亦治之。以意治病其義深。其理微。與蠶之食而不飲。有大便。無小便。彼此相資。化育流行。天然配偶。此造物神功之妙。皆溫病之聖藥也。○宗奭曰。蟬性善脫。胎前禁用。余謂有病則病當之。內經云。有故無殞。亦無殞也。孕婦患溫病。余屢用之。每收奇功。未見動胎。此閱歷之言。不必致疑於禁用二字矣。○時珍曰。主治頭風眩暈。皮膚壯熱。斑疹作痒。余謂溫病有頭目眩暈者。有皮膚發熱斑疹雜出作痒者。總是熱毒攻衝。所以

用之大驗。○又曰，主治驚癇、狂亂、癰癧、心悸。余謂風熱生驚，驚則癰癧、心動，去其風熱，則肝氣和、心神安，驚搐自定，矚惕自止，發狂奔叫自息矣。○又曰，主治頭風疼痛。又曰，去壯熱，治腸中幽幽作聲。余謂蟬乃清虛之品，處極高之上，與肺相似，肺熱移於大腸，肺熱去而大腸之熱自去，而聲亦無矣。頭疼目眩，風熱上攻，故並治之。○衛生方中，有清膈散，治胃熱吐食，用蟬蛻、蜂蜜。余謂嘔噦吐食，皆胃熱也，故亦用蟬蛻、蜂蜜。古人有先得我心者，非余之杜撰也。

淡豆豉

味苦辛形腐類腎性寒瀉肺監理瘴氣專

治傷寒佐葱白散寒熱頭疼助梔子除煩燥懷懷足  
疼酒浸速嘗痢疾薤白同煎盜汗炒漬酒飲按豆豉  
之入肺內經所云肺苦氣上逆急食苦以泄之之意  
也毒丹臭霧山嵐瘴氣以及雜氣流行風寒暑濕皆  
肺先受之喘吸燥悶亦肺氣有餘耳何弗治之耶○  
附造豆豉法 黑豆水浸透淘蒸攤勻蒿覆候生黃  
衣取晒簾淨木拌得所築甕中桑葉厚蓋泥封晒七  
日取出再晒卽木拌入甕如前法七次再蒸收用

寒溫條辯卷六

七

石葛蒲

九節者佳  
米汁浸蒸

味辛微苦性溫入心肺膀胱主手

足濕痺可使屈伸開心氣洞達能出聲音通九竅明

耳目益智慧除健忘溫心腹堅齒牙療惡瘡疥癬

上氣咳逆本草又言常服成仙此醫家誇張之說殆

不可信

菖蒲補心丸石菖蒲茯苓茯神遠志酸棗仁  
栢子仁地骨皮熟黃精山藥枸杞子預知子

等分人參朱砂減半爲末練蜜丸如芡實子大每嚼  
一丸人參湯下治心氣不足精神恍惚語言錯妄忪

悸煩鬱健忘少睡憂喜慘悽夜多異夢  
寐卽驚寤或發狂眩暴不知人等證

甘菊花

味甘性平可升可降陰中陽也入肺脾肝

腎以其味甘補陰血故歐頭風眩暈清腦第一收眼

淚翳膜明目無雙利一身血氣逐四肢遊風冬芽秋  
花多得金水之化○冬春採根夏秋採葉疔腫垂死

取汁頓服立活

甘菊九治腎水枯竭肺肝侵傷五藏俱損瞳人倒背者甘菊花四兩枸杞

子二兩五味子二兩肉蓯蓉一兩五錢巴戟天一兩五錢爲末鍊蜜丸服余謂加車前子七錢五分更妙

威靈仙

忌茶

辛泄氣鹹泄水氣溫屬木其性善走能宣

疎五藏通行十二經絡中風痛風頑痺癰瘰積聚膈

噎

靈仙一兩生薑一兩水煎去渣入砂糖一兩再煎數沸溫服

痰水瘡疾黃疸浮

腫大小便秘一切風濕痰氣之證性極快利積病不

痊者服之有捷效然疏泄真氣虛人慎用

按頑痺由濕熱流於



肢節之間腫屬濕寒屬熱汗多屬風麻屬氣虛木屬濕痰死血十肢麻木亦是胃中有濕痰死血以脾主四肢故也痛風當分新久新疼屬寒宜辛溫久疼屬熱宜清涼河間所云暴病非熱久病非寒是也  
仙傳曰一人手足不遂數十  
年遇一人令服威靈仙而愈

釣鉤藤 用有鉤者 味甘苦 性微寒 入十二經 主肝風  
過前無力

相火療瘰癧驚癇胎風客熱壅痰喘中風失音 湯煎

類 夜啼不眠舒筋活血頭眩目眩蓋風靜火自熄矣

荆芥穗 味辛氣散浮而升陽也其味辛散血中之

風故解肌表消頭目發癰疹通血脈療疼痛諸瘡去

皮毛諸風其性升故提血崩眩暈其氣散故行五藏

血華陀愈風散荆芥穗  
婦腰疼且能發表千金曰一以去風  
一以消血結後人如芎歸煎並驗

薄荷燕出味辛微苦升也陽也涼散透竅入肺肝清

六陽會首散一切毒風其氣辛香通竅發汗引諸藥

入榮衛開風涎透利關節下氣消脹薄荷煎湯調服

小兒久疳天柱骨倒○辛夷花辛溫入肺胃助胃中清陽上升

柴胡南出者佳味辛氣溫升也陽中之陰也辛者金之味

故平肝溫者春之氣故就之以入胆專主往來寒熱

肌表潮熱肝胆火炎胸脇疼結又主升散火鬱傷寒

寒溫條辨

卷六  
寒

邪熱溫瘧寒熱少陽頭疼肝風鬱結尤善理熱入血

室月經不調雖引清氣上升中氣虛寒宜避仲景有

湯大柴胡湯柴胡芒硝湯酌定前證皆驗

川芎 味大辛氣溫升也陽也專入胆並入心包肝

氣中血藥也助清陽而開諸鬱四物湯用以宣血氣

之滯耳行氣和血而通陰陽散風寒頭疼破瘀血經

閉解氣結逐腹疼補肝虛脇風排癰膿消腫同艾葉

服驗胎孕有無合細辛煎治金瘡作疼然升散太過

故風寒頭疼極宜若三陽火壅於上而頭疼者得升

反甚今人不明升降一槩用之誤矣多服久服致暴  
亡極言其辛散太甚也。

天麻

煨熟酒炒

味辛氣平入肝療風熱眩暈治驚悸癰瘰

祛風濕痺痺不仁主癰瘰語言不遂和血脉疏痰氣  
強筋骨利九竅內經曰諸風眩掉皆屬肝木是也易

老曰頭旋眼黑非天麻不能定是也

古方天麻丸天麻川芎等分爲

未燥蜜丸茶酒任下主消氣散痰清利頭目寬胸快  
腸治心忪煩悶頭暈欲倒項急肩背拘攣神昏多睡  
肢節煩疼皮膚瘙癢偏正頭疼鼻鼾面目浮腫並驗  
○河間曰中風非外來之風良由將息失宜心火暴  
甚腎水衰敗不能制之故猝倒無知也莫如地黃飲  
子補水火和藏府養氣血通經絡其證自愈熟地四

錢肉桂附子茯苓巴戟山萸茯苓遠志石薺石菖蒲  
麥冬五桂子一錢薄荷七分水煎服亦可鍊蜜丸服  
此口噤身冷四肢不收之良劑也古人云  
治風先活血血活風自滅非此之謂乎

秦艽 味辛苦散風勝濕去腸胃之熱益肝胆之氣

養血榮筋主風寒濕痺周身攣拘虛勞骨蒸和血便

利去下牙疼直指秦艽扶羸湯治肺痿骨蒸勞嗽聲

半柴胡二錢半夏紫苑人參甘草一錢生薑  
一錢二分秦二枚水煎此肺勞蒸嗽之劑也

升麻 味苦辛氣味俱薄浮而升陽也入肺脾胃大

腸升清陽之氣於濁陰之下提胃氣之下陷舉大腸

之滑脫散皮膚肌熱斑疹解腹內下痢後重引石膏

毆齒牙熱腫使葱白除陽明頭疼內經曰地氣上爲

雲天氣下爲雨天地不交則萬物不通也升麻葛根湯升麻葛

根白芍二錢甘草一錢葱白水煎服此錢仲陽治陽明傷寒發熱頭疼無汗升發表邪之劑也

葛根味甘寒氣輕浮而升陽中微陰以其涼散故

雖達諸陽而陽明爲最以其涼甘故雖主發表而瀉

熱獨良仲景有葛根湯發痘疹解肌祛酒毒熱痢根黃連黃

芩古謂散劑發汗此類是也

白芷味辛氣溫味薄氣浮升也陽也以其溫散祛

毒故逐陽明寒邪以止頭疼去肺經風熱以發斑疹

以其辛香達表。故消癰瘍排膿、止痒定疼、托腸痔、久癭、生肌長肉、炒黑、提婦人漏下赤白、血閉陰腫、欲去

面斑、仍須生用。

爲末煉蜜丸、彈子大煎荊芥湯、點服茶嚥下、治諸風頭疼。

羌活

味微苦、氣辛、微溫、氣味俱輕、升也、陽也、以其

溫散定疼、雖入諸經、而太陽爲最、散肌表之邪熱、利

周身之疼痛、逐新久之風濕、排太陽之癰疽、氣雄力

健、大有撥亂反正之功、虛者禁用。

羌活勝濕湯、治濕氣在表、頭腰疼、且

重者、羌活獨活、錢半、蒿本、川芎、蔓荊子、防風、甘草、八分、寒濕如炮附子、防已、六分、水煎溫服。

獨活

味苦、氣香、性降微涼、入腎與膀胱、理下焦風

濕除兩足疼痺因風濕而頭眩齒疼亦以此降之

文

博方生地二兩獨活

二錢治牙疼甚驗

細辛遼出者佳味大辛氣溫氣味俱厚升也陽也有小毒

入肝腎散陰分寒邪逐本經頭疼仲景有麻黃附子細辛湯辛散

利竅除諸風濕痺驅風淚眼疼口臭牙疼煎含多服

大散真氣按此物辛甚故能大散陰分之寒邪陰分

且然陽分可知亦豈有辛甚而不入陽分者但陽證

忌熱當慎用耳○蔓荊子辛苦入肝胃通利九竅主頭面風熱之證

防風味甘辛微溫氣平升也陽也雖脾胃勝眊經



藥然隨諸藥各經皆至爲風藥卒徒發脾中伏火於土中瀉木氣味俱輕故散風邪治周身之疼痛性能勝濕故去濕熱除偏體之濕瘡雖云風藥中潤劑亦能散上焦元氣。瀉黃散防風一兩甘草五錢梔子二錢五分石膏藿香二錢爲末炒香蜜酒調服三錢發脾胃鬱火治口爛唇焦甚驗

汗劑類

麻黃 味辛氣溫氣味俱薄輕清而浮升也陽也入心與大腸膀胱實肺家專藥發汗解表治冬月正傷寒果勝瀉衛實去榮寒利血脈通九竅開毛孔除身

熱頭疼、療咳逆氣喘、春夏溫病最忌、秋燥瘧疾切減、  
或醋泡、或蜜炙、陳久者良。○根、止汗固虛。○按麻黃  
專主冬月傷寒發汗解表、春夏秋不可妄用、卽傷寒  
六脉不浮緊者、亦不可輕投、蓋汗乃心之液、若不可  
汗而汗、與可汗而過汗、則心血爲之動矣、或至亡陽、  
或至口鼻目出血而成大患、丹溪以麻黃人參同用、  
亦攻補兼施法也、當局者宜悟。仲景有麻黃湯  
又麻黃升麻湯  
紫蘇葉 味辛入氣分、色紫入血分、以其辛香氣烈、  
故發汗解肌祛風寒甚捷、開胃益脾、療脹滿亦佳、和

血下氣寬中消痰止疼安胎去風定喘利腸宜加口

臭能辟嚴氏紫蘇飲子治子懸紫蘇葉錢半大腹皮三錢當歸川芎白芍陳皮人參甘草一錢青

葱五葉木煎服○子降滯氣消痰喘潤大便秘性緩而和

順氣安胎虛人最宜局方有蘇子降氣湯氣降則痰

錢當歸甘草一錢沉香五分虛極加五味

蒼耳子去刺酒蒸味甘苦氣溫善發汗散風濕通腦頂行

足膝達皮毛治頭疼目暗鼻淵肢攣乳癰瘰癧瘡痒

之證蒼耳散治鼻淵蒼耳子二錢薄荷四錢辛夷四錢白芷八錢爲末任調下內經云中氣不足九

竅爲之不利治以補中爲斗門方云一婦人血風主專用行散藥恐不可救○攻腦頭旋悶絕倒地不

省人事。用陽起草為末，溫酒調服。錢託其功甚捷。此物善通頂門，連通蓋即蒼耳也。

水萍

紫背者佳青色者不堪用

辛散輕浮，入肺達皮毛，通脉利竅。

其發汗甚於麻黃，止消渴。

湯汁服

浴癢，疥者。

煮汁

又能下水。

氣利小便，治一切風濕癰瘰。

為末，煉蜜丸，酒服。治三十六種風。

高供。

俸採萍歌云：不在山，不在岸，採我之時七月半。選甚。

癰風與緩風，些小微風都不等。豆淋酒下三五丸，鐵。

撲頭兒也出汗。

### 下劑類

大黃

川產者良

味辛，氣大寒，氣味俱厚，陰中之陰，降也。推。

陳致新走而不守酒浸上下通行清藏府蓄熱奪土

鬱壅滯逐堅癖滌痰食導瘀血療吐衄仲景有大黃黃連瀉心湯

通月閉消癰腫因其峻烈威風號為將軍故積聚能

蕩之頃刻水漬便飲生瀉心下痞氣仲景瀉心湯類入湯煎

服熱除腸胃熱瘕仲景承氣湯類氣虛同人參名黃龍湯承氣

湯加人參減黃血同四物各玉燭散四物湯合調佐

甘草桔梗可緩其行佐枳櫟芒硝益助其銳多寡量

人虛實誤用與鳩為類按陽藥用氣陰藥用味大黃味厚屬陰中之陰水漬生用

為心下痞恐味厚傷中氣也煎熟無力之說續論錯

悟一胃百和之失誰其辨之或問心氣不足而吐

何不滿心而反瀉心。丹溪曰：少陰不足，元陽無輔，致陰血妄行，故以大黃瀉其亢甚之火。又心本不足，肺肝各受火邪而病作，故以黃芩救肺，黃連救肝，肺者陰之主，肝者心之母，血之舍也。肺肝火退，則血歸經而自安矣。李士材所謂濁陰不降，則清陽不升，瘀血不去，則新血不生，是也。古人指義入神，豈後人所能及乎。○本草瀝曰：治實火之血，順氣為先，氣降血自歸經；治虛火之血，養正為先，氣壯自能攝血。此虛實所由分，而治法之不同也。○千金方：治婦人嫁痛，即陰同也。臨證者宜詳之。○戶腫痛也。大黃一兩，酒三盅，煎服。

芒硝 味辛苦，鹹，氣大寒，降也。陰中之陰也，有毒性峻速，柔金化石，鹹能軟堅，推逐陳積，去藏府壅滯，破瘀血癥瘕，治傷寒溫病，瘧疾，脈閉熱積，譫妄，凡屬各

經實邪，悉可瀉除。內經曰：熱淫於內，治以鹹寒。是也。

佐之以苦。大黃是也。二味合枳實、厚樸，即大承氣湯。合甘草，即調胃承氣湯。孕婦忌。

之。然有故無殞，亦無殞也。

巴豆。不去心，作嘔，不去膜，傷胃，燒存性，去油為霜。中其毒者，以大黃黃連，或黑豆、甘草，或涼水解之。

皆其所畏者也。味辛熱，有大毒，可升可降，能行能止，生猛熱。

緩峻用大，可却病；緩用亦可和中，通經墜胎，主開竅。

宣滯，去藏府陳寒，為斬關奪門之將，破痰食，癥癖血。

瘕聚積，生冷硬物，治癰瘤瀉痢，口喎眼斜，耳聾喉痺。

但屬峻劑，不可輕投。按大黃、巴豆同為峻下之劑。

但大黃性寒，府病多熱者宜之。巴豆性熱，藏病多寒者宜之。故仲景治傷寒傳裏用大黃，東垣治五積屬藏用巴豆，各有所宜也。

甘遂

反甘草  
通裏熨

味苦，氣寒，有小毒，瀉腎及隧道，水濕直

達水氣所結之處，以攻決爲用，爲下水之聖藥。主十

二經水，凡大腹水腫，邪熱結胸，留飲宿食，痰迷癰瘤

之證。

仲景大陷  
胸湯治之

孕婦切忌。丹溪曰：治水腫，健脾爲

主，脾實氣運，則水自行。以四君子湯視所挾證，加減

之，不可徒恃利水藥。

仲景方治婦女血結，小腹脹如  
鼓，小便微難，不渴，此爲水與



血俱結在血室也。甘遂一兩，阿膠一兩，大黃二兩。大碗半，煮半碗，頓服。其血當下。

紫大戟

反甘草，抗產，麤裏燥。

味苦，性寒，有小毒。入十二經，主水

腫蠱毒，癰結，腹滿，腹疼，利小便，通月經。○苗名澤漆。

退皮膚邪熱，却面目浮腫，大腹水氣，立遣。孕婦並忌。

芫花

反甘草，醋煮。

味苦，辛，氣溫，有小毒。去水，飲痰癖，散皮

膚五藏水腫，消胸膈痰沫，善唾，咳逆，上氣，能除咽腫。

短氣可

臣仲景十漿湯芫花大戟甘遂等分，為末，十棗湯調服。一錢。經云：潔淨府去陳莖府也。

葶藶子

糯米泔炒，再酒浸。

味辛，氣大寒，屬火，性急，大能下氣。

行膀胱水，肺中有水，氣奔急者，非此不除。所謂大黃

瀉血分葶藶瀉氣分足也。

仲景葶藶大棗湯治肺氣喘急不得卧葶藶為

末用大棗十枚煎湯調服一錢輔以

大棗

補土

所以制水

與十棗湯義同

水炒取頭末

牽牛子

白屬金黑屬水炒取頭末

味辛性氣有小毒達右腎走精

隧入肺與大小腸主下氣通二便祛壅滯氣急退水

腫消風毒療膀胱疼痛有孕婦忌殺寸白蟲

肉湯調末二錢

按牽牛自宋以後劉河間張子和始倡為通利下藥

漢以前未入本草此仲景所以無用法也如順氣丸

治一切積氣宿食不消黑牽牛

頭末四兩

蘿蔔剉空安末

於內蓋定蒸熟入白薤末二錢搗丸白湯送下錢許

古方牛即散牽牛末一兩，檳榔末五錢，紫蘇、梔子、湯調服二錢，治氣築奔衝，疼不可忍，並能追蟲取積，煉蜜丸。陳皮、生薑、湯送下，治五積神效。再輔以補脾之劑。時珍曰：子芻素多酒色，二便不通，脹疼，呻吟七晝夜，通利之不效。子思此濕熱之邪在精道，壅滯路病，在二陰之間，前阻小便，後阻大便，不在膀胱，大腸經也。用川楝子、大茴香、穿山甲一錢、牽牛子二錢，水煎一服，減三服，平亦可丸服。

攻劑類

穿山甲

土炒或由煎色宜黃

味甘鹹，微寒，有小毒，入肝胃，以其

穴山窩水，故能出入陰陽，貫穿經絡，直達榮衛。至於病所以破邪結，治風濕冷痺，通經下乳，消癥排膿，和傷發豆，剋血積，攻痰癖，瘡家瘡家，須為上劑。又治痔

漏蟻瘻

山甲燒存性，敷之立愈。

去皮風

復元和血湯治跌墜損傷，停滯瘀血痛癢，至不

敢喘咳唾者，穿山甲、當歸、桃仁、紅花、茜根、天花粉、香附、甘草一錢、柴胡二錢、川大黃三錢，酒煎連進，效。

鼈甲

忌馬齒莧，酥炙醋炙。

味鹹，性屬金，與土色青入肝，並入肺。

脾主骨蒸勞嗽，化積聚癥瘕，除息肉陰蝕，痔疽血瘕。

且愈腸癰消腫，並治溫瘧寒熱及婦人五色漏下，催

生墜胎時珍曰：介蟲陰類，故皆補陰。

謙南龜甲、秦艽、敗龜甲、歸身、柴

胡地骨皮二錢、牡丹皮知母、秦艽、元參、青蒿一錢、烏梅一枚，汗多加黃耆，此勞嗽骨蒸退熱斂汗之劑也。

乾漆

炒令烟盡。

味辛鹹，氣溫入胃，大小腸，追積殺三蟲，破

中安五藏，療男子風寒濕痺，時作痒疾，治婦人癥瘕。

堅結和脉通經、痞積腰疼可驅、血風心疼能除、丹溪  
曰漆性急而飛補用之中節、瘀去新生人所不知也。  
指南萬應丸治月經瘀閉、繞臍疝氣疼痛、及產後血  
氣不調、痞積癥瘕、乾漆炒透、牛膝酒浸等分爲末、生  
地黃取汁熬膏入藥和丸、如桐子大、初  
服三九、漸加五七九丸、溫酒或米飲下。

京三稜 味苦辛、入脾肺、主行氣行血、多年癥瘕如  
石能化爲水、爲血中氣藥、蓋氣隨血行、氣聚則不流。

故生癥瘕之患、非此不能治也。然有斬關之勢、欲先  
入血醋炒、欲先入氣火炮、與莪朮同。虛人並忌之。

莪朮 味苦辛、性溫、開胃進食、聚心腹疼、行瘀血、破

積聚利月水除奔純定霍亂下小兒食積性亦猛厲

大能開氣不能益氣耳

古方三稜莪朮散治渾身癢泡如棠梨狀每個出水有石

如片如指甲蓋大其泡復生抽盡肌肉即不可治三稜醋炒莪朮醋炒等分為末每服一兩口三夜一溫

酒調連進以愈為度一方加穿山甲減半

青礞石

硝石礞石等分打碎拌勻煨至硝盡礞色如金為度

味甘鹹有小毒體

重沉墜色青入肝並入肺大腸胃主蕩滌宿食消磨

陳積平肝下氣為治驚利痰之聖藥

王隱若痰癰九千古良方也

錫邑監生劉倣郭年近六旬因驚氣衰痰致怪病百出百藥不效七年不能起於床自分必死丁亥秋余診之脈沉滑枯瘦而聲宏令服滾痰丸錢半竹瀝入薑汁送下大便秘下惡物傾盆兩服而足能行病如掃

身法便義卷二  
快哉

按攻積諸藥如萊菔子麥芽攻麴積六神麴穀芽攻米積山查阿魏攻肉積陳皮蘇葉攻魚鱗積枳椇子攻酒積當門子攻酒果積甘遂大戟攻水積雄黃膩粉攻涎積礞石蛤粉攻痰積木香檳榔枳殼攻氣積肉桂乾漆桃仁攻血積三棱莪朮穿山甲雞內金攻癥瘕巴豆攻冷積大黃芒硝攻熱積認證施藥各從其類也。又按內經云諸癆爲實此實字要參酌不必虛實之實爲實也凡有痰水寒熱酒食氣血之實

邪皆可言實內經又曰疼隨利減則滌痰逐水瀉熱  
祛寒解酒消食破氣攻血皆可言利邪氣去正氣復  
何虛之有若真虛疼而無實邪獨參湯可矣有寒加  
附子有熱加黃連大便不通加酒炒大黃總當斟酌  
輕重隨證攻補自得之矣

### 吐劑類

瓜蒂 味苦有毒入口即吐實熱痰涎多用之類編  
曰一女子病胸喘不止遇一人令取瓜蒂七枚爲末  
調服其汁吐痰如膠之結三連而病如掃

仲景有瓜  
蒂散。干



無用瓜蒂、藜蘆、防風等分爲末各  
三錢、水煎汁、調米一錢、吐風痰、

白礬 味酸鹹寒性溫而收燥濕追涎化痰墜濁解

毒生津止血定疼通大小便主疳疾生好肉蝕惡肉

除痼熱在骨髓時珍曰能吐風熱痰涎取其酸苦湧

瀉也白礬茶芽爲末冷水調服吐一切毒古方白礬

熱毒怪證日赤鼻眼大喘渾身生瘡毛髮如鉄此熱

毒氣結於中下焦也白礬二兩滑石二兩水三碗煎

減半不住飲之飲盡再作○鶴頂丹治結胸胸痺痰

火聲嘶白礬三錢銀珠一錢五分同研入瓦盞燒炭

火上熔化去火候乾爲末每服一錢五分薑茶煎湯

調下聽其心上隱隱微聲結者自散白礬化痰解毒

銀珠破積○鐵化湯洗一切眼疾痘後發熱侵睛赤

消帶也○燭雲照尤妙生白礬竹白礬紅礬等藥

五味子二錢川椒五分烏梅二枚杏仁七粒新針七箇無根木泡七晝夜針亦化為木矣一日三洗效  
牙皂 味辛鹹性溫有小毒入肝腎主風痺死肌頭

風目淚通關竅理瘡疽

婦人吹乳及乳癰牙皂燒灰同蛤粉研末調服二錢消

脹滿化水穀除咳嗽療骨蒸搐鼻噴嚏立至敷腫疼

痛卽除和白礬可吐風痰拌蜜煎名爲導箭○刺主

厲風鼻梁崩倒眉髮自脫又主瘡疽未潰者能發空

竅已潰者引藥排膿直透達膿處成功諸般惡瘡咸

不可缺

千金方治二便關格皂莢燒末米飲調服三錢主通宣明酒打麵糊丸如桐子大溫酒下

角三條一錢入半夏十粒一條入杏仁十粒一條入

巴豆十粒，用蜜炙入半夏條薑汁炙入杏仁條麻油炙入巴豆條俱黃色爲度，去皮子研爲末，每服二三分，安手心以薑汁調之，舌能嚥下。

常山 味辛苦微寒，有小毒，能引吐行水，祛老痰積飲。○痰有六風痰、寒痰、濕痰、熱痰、氣痰、食痰，飲有五流於肺爲支飲，於肝爲懸飲，於心爲伏飲，於經絡爲溢飲，於腸胃爲痰飲。常山力能吐之下之，同甘草用則吐同大黃用則下。多用生用亦必吐，若酒浸炒透，但用錢許能起沉疴，每見奇功，未見其或吐也。勿泥雷公久病忌服之說。○訥菴曰：常山吐瘧痰，藜蘆吐

風痰瓜蒂吐熱痰附子尖吐濕痰寒痰藜蘆子吐氣

痰食痰若體虛人涌吐痰涎惟人參蘆為最

藜蘆反細辛芍藥皆參取根去頭味辛苦性寒有大毒入口即吐

善通頂令人噦風癰證多用之藜蘆一錢鬱金五分為末溫漿水和服探

吐通頂散治諸風頭痛藜蘆一錢黃連一分為末暗鼻子和日一婦病癰數年探食百草狀若慈苗

誤蒸食之覺不安吐膠涎數日昏困汗出後輕健如常以所食訪人即藜蘆也

人參蘆 味苦氣輕以逆流水煎服五錢或入竹瀝湧出

痰涎虛人無損千金方燒鹽熱湯調服以指探吐凡病皆宜亦無損也按內經

云其高者因之越之在上者涌之木鬱奪之越以爪

其高者因之

越之

親有去之  
諸人序  
系句字  
均甚佳  
以靈犀  
為家  
少秋  
卷之三

蒂豆豉之苦涌以赤小豆之酸奪去上焦有形之物而木得舒暢則是天地交而萬物通也。○丹溪曰吐中就有發散之義以吐發汗人所不知也。○訥菴曰汗吐下和治療之四法仲景瓜蒂散梔豉湯並是吐法子和治病用吐尤多丹溪治許白雲大吐二十餘日小便不通亦用吐法甚至四君四物以引吐成法具在今人誰知以和為上汗下次之而吐法絕置不用遇邪在上焦當吐不吐致結塞而成壞病背棄古法枉人性命可痛也夫